

明三十家詩選三

礼

徐禎卿  
謝榛  
李攀龍  
王世貞

六十一首  
六十八首  
四十六首  
五十七首

柳田文庫

文庫11

D 173

3





文庫 11  
D 173  
3

柳

明三十家詩選初集卷五上

明三十家詩選初集卷五上

徐禎卿 六十一首

錢塘 汪端 允莊輯

禎卿字昌穀太倉人遷吳縣天資穎異家不畜一書而無所不通與文徵明唐寅祝允明齊名號吳中四才子宏治乙丑舉進士除大理寺左寺副降國子監博士卒於京師年三十三其詩自選為迪功集又有別藁曰歎歎焦桐鸚鵡花間野興自慙等集又斷作詩妙旨為談藝錄一卷  
鄭繼之曰昌穀迪功集今行於洛陽者獻吉多為更定失昌穀真蓋獻吉雖與同調其丰神氣魄自有不

明三十家詩選初集卷五上

柳田泉文

010190557761



相能者矣

王元美曰昌穀如白雲自流山泉冷然殘雪在地掩映新月又如飛天仙人偶游下界不染塵俗又曰昌穀樂府選體歌行絕句咀六朝之精英采唐初之妙則律體微乖整栗亦浩然太白之遺

王敬美曰詩有必不能廢者雖衆體未備而獨擅一家之長如孟浩然洮洮易盡止以五言雋永千載並稱王孟我明其徐昌穀高子業乎二君詩大不同而皆巧於用短徐以高韻勝有蟬蛻軒舉之風高以深情勝有秋閨愁婦之態更千百年李何尙有興廢徐高必無絕響

胡元瑞曰昌穀雖服膺獻吉然絕自名家獻吉譏其大而未化蹊徑存焉何元朗謂獻吉詩比之昌穀蹊徑尤甚王鳳洲謂昌穀所未至者大也非化也世以何王爲篤論

穆敬甫曰徐詩如皋蘭猗靡修竹嬋娟足稱雅致陳臥子曰昌穀存詩無多乃與李何鼎足觀其談藝錄皆深造之言宜其短章片語無不連城也又曰昌穀似與仲默同源然仲默俊逸昌穀矜貴又自有殊朱錫鬯曰昌穀絕句尤勝諸體興慶池頭送君南下等作雖龍標供奉復生何多讓焉

王貽上曰黃魯直晚年自刊定其詩止三百八篇徐



昌穀自選其迪功集亦止三百餘首昔人自愛其名如此所謂白頭花鈿滿面不如美人半粧也

周青士曰李何專主學杜昌穀兼師盛唐諸家此後薛君采蔣子雲高子業華子潛皇甫昆弟皆清婉成音各極其致雖非昌穀流派而風調實自昌穀啟之婁東詩派曰昌穀中年學道有得聞王陽明先生講學曰道果在是會疾作不能往謂子伯虬曰墓銘其屬陽明臨終神志不亂使天假之年豈止一慧業文人已哉

步出西閭吟

步出西閭里草繁路如縷四望何所有遙見邱墳鬱瀰瀰

悲風蕭條百鳥聲寒日潛光昏黍稷低徊步念不自已魂魄終當歸此土還家語妻子桃根摧傷李代腐沈吟此曲不敢盡恐君流酸徹肺腑

雜謠 此紀正德三年八月之變

夫為虜妻為囚少婦出門走道逢爺孃不敢收東市街西市街黃符下使者來狗鯨鯨雞鳴飛上屋風吹門前草蕭蕭

蕭李舒章云謠語極蒼茫

少年行

生長在邊城騎射有聲名召募河源去長屯都護營登山望敵氣間道擊胡兵十決推雄戰連呼拔鹵旌雲中息不斗天上掃欃槍坐弄胡笳月梅花隴水清

有雅歌投壺氣象



倡家詠效何遜

簾櫳秋未晚。花霧夕偏佳。暗牖通新燭。虛堂響落釵。浙浙  
烏棲樹。明明月墮懷。相思不可見。蘭生故繞階。鍾廣漢云此昌穀少

從軍行

青天磧路挂金微。明月洮河樹影稀。鴻雁哀鳴飛不度。黃  
雲戍卒幾時歸。

望行人

秋原迷望草芊芊。幾樹荒鴉落照前。驛使回時曾寄語。西  
風早晚渡秦川。

誦陸厥李夫人歌效其體詠漢武

鬱金臂上香。龍燭帳中光。昔時愁夜短。今時怨夜長。長夜  
怨。徹旦思。情漠漠。魂離離。新宮夜雨生。香草故苑秋。風銷  
桂枝欣。見帷中步。翻成夢裏悲。

湘中曲或作朱應登詩誤

湘州草深鶉鳩鳴。湘江水清多芷蕪。月明伊軋中流槩。疑  
是湘娥鼓瑟聲。

春草千里碧沈沈。蒼梧雲高湘水深。此中自古行人怨。鷓  
鴒雙啼斑竹林。淺淺寫來風調自佳

塞上曲

風急交河水。正渾黃沙。日落戰雲昏。牛羊滿地干戈裏。獨  
立營門望五原。龍標高唱



古意

贈劉子

空爲郢中客。不見郢中吟。美人高堂上。自奏山水音。帝子  
葬何處。瀟湘雲正深。寂寥誰共賞。江上獨傷心。宋轅文云  
清婉有古風

舟懷

天曠多樹林。日赤溪路永。我行一何勞。宵寃泝川嶺。湍流  
好石鬪。沙礫與舟鯁。行行指前棲。望望不得逞。火雲漸暖  
滅。蟬鳴空山靜。奄忽青松間。了了挂圓景。一與幽賞遇。遂  
使煩慮屏。先書謝廬僧。爲掃香爐頂。

送友

瓜生葛薪下。緣蔓義相因。人生結交故。婉戀自諧親。交義

諒不遠。戚若同株根。勿采棘下瓜。棘傷多苦辛。不惜傷者  
苦。但恐株芟分。念當與子別。惻惻傷我神。近十九  
首氣格

畱別邊子

我車駕言邁。將子城之隅。豈無他人親。媿戀心自知。握手  
一爲歎。忽忽從此辭。驅車何迢迢。迢迢復遲遲。匪我車輪  
遲。行子有所思。登高望河水。河水何瀾瀾。褰裳欲涉之。俛  
首以踟躕。孤楊生河干。嫋嫋何差差。民生失儔匹。惻爾令  
心悲。沈確士云褰裳欲涉以下  
忽著比體此古人章法

畱別都城諸同志

對酒忽不樂。悵然懷別離。別離結中勞。眷彼長路歧。苒苒  
郊河樹。曖曖關門祠。佇望瀟湘水。先與秋風期。鴻雁雲中



來。噉噉使人悲。懷哉爾方集。悵矣予當辭。

江夏題王太守城南精舍

林步不覺遠。溪流隨興長。悠然深竹裏。獨往綠蘿莊。山色佳南郭。平疇連北堂。野人來荷鋤。蠶月百草芳。寤恆白雲賞。載謠叢桂章。垂楊足池鯉。閑漏有壺觴。念此牽情性。何勞緇素裳。

吳江橋亭遊眺

郡右多麗山。湖南富鮮水。溶溶蒼樹浮。潏潏白煙起。中土屹哀城。重波泛人市。出郭接修梁。垂穹貫遙址。上有臨流構。高風衍清祀。百漚引虛明。諸州拆表裏。隱約雲中檣。紛耘隰間籽。宵澄月色澗。風遠漁歌靡。空睇眇不極。瑤膏盪

餘滓。悟彼扁舟人。傷此塵代子。

青門歌 送吳郎

吳郎醉嗜長安酒。落魄自言爲客久。走馬頻看上苑花。回鞭幾折青門柳。青門瞳瞳魚鑰開。乳燕游絲相逐來。柳下雕鞍畱別袂。花間酒盞覆蒼苔。浮雲去去辭城闕。芳草連天那可歇。野店春風聽早鶯。關河曉樹懸新月。千里淮流雙畫橈。黃陵驛前逢暮潮。落日帆歸揚子渡。青山家對伯通橋。吾家流水元非隔。宛轉胥臺通巷陌。草長難尋仲蔚居。林深不辨陶潛宅。清溪屋下可垂綸。復有蓴羹足獻親。君歸倘食冰絲鱸。爲念羈棲塞北人。陳臥子云似勝李頎

送士選侍御



壯士樂長征。門前邊馬鳴。春風三月柳。吹暗大同城。蘆溝橋下東流水。故人一樽情未已。遙天飛盡隴頭雲。唯見居庸暮山紫。羨君鞍馬速流星。予亦孤帆下洞庭。塞北荆南心萬里。佩刀長揖向都亭。

從吳學士姪奎觀模米襄陽山水圖并學士題識

昔上黃鶴樓。西望襄陽堤。襄陽草樹淡於染。清猿落日令人迷。歸來復見襄陽畫。銀海珠源恍餘派。楚山沈沈煙霧高。淋漓七澤翻波濤。漁舟貫舶入點綴。竹林楓樹懸江皋。白雲縹緲蒼梧遙。旖如湘君垂素旄。我欲乘雲向空舉。拄杖呼雲雲不起。山中蘿薜不可親。悵望伊人隔秋水。延陵學士襄陽儔。對此踟躕搔白頭。碧山心期竟已矣。回首歲

月成墟。猶有篇章未磨滅。教人空憶舊風流。色澤古秀

應侯示我史生畫海鯨帳遂爲歌

窮冬壯陰合。海水凝不流。誰驅溟渤歟。在眼白日汹動離。梁浮長鯨東來忽。掉尾噴沫爲雨蛟。鼉愁森然鱗甲半天。黑鬣鬣鼓拂扶桑。幽龍門萬仞入彷彿。洪濤迥見翻霹靂。鯨遊直犯氣勢高。雪山俄崩莽奔激。却愁一夕風雨至。嬰見真龍出空壁。東吳史生不好武。自矜筆法繼乃父。時向人間索酒嘗。往往循牆貌龍虎。亦從上官掃大幅。更覺揮斤用心苦。應侯重此乞我題。滿堂落筆驚淋漓。若道能騎上天去。祇今誰有謫仙詞。規仿老杜題畫詩

寄華玉



去歲君為薊門客。燕山雪暗秦雲白。馬上相逢脫紫貂。朝  
回沽酒城南陌。燕山此日雪。霧霧祇見秦雲不見君。胡天  
白鴈南飛盡。千里相思那得聞。朱子蓉云原本太白去歲  
何時君別妾一篇而不見  
其摹擬之跡可  
謂善學古人

彭蠡

茫茫彭蠡口。隱隱鄱陽岑。地涌三辰動。江連九派深。揚舲  
武昌客。與發豫章吟。不見垂綸叟。煙波空我心。陸冰修云  
襄陽遺韻

在武昌作

洞庭葉未下。瀟湘秋欲生。高齋今夜雨。獨臥武昌城。重以  
桑梓念。淒其江漢情。不知天外雁。何事樂南征。李舒章云  
入句竟不  
可斷。王昭上云此詩與元暉洞庭張樂地太白  
牛渚西江夜襄陽挂席幾千里同為千古絕調

送范靜之遷威州

吾憐范巨卿。悃悃不邀名。作吏竹林下。清風訟獄平。與君  
同得罪。獨竄夜郎城。萬里巴江水。相思猿狖鳴。以古體為  
律詩卓然  
高格小家  
不解辨此

送友人還吳

陽月隨陽雁。遙從塞上來。北人江北望。不見隴頭梅。坐下  
楊朱淚。吟為莊鳥哀。聊傳數行札。千里送君回。渾健似  
宋延清

訓邊太常於燕山見憶之作

故人惠思我。百里寄瑤音。獨在山中宿。松齋清道心。霜鐘  
流夜壑。曲澗入幽琴。寂寞悲千古。橋陵梓椽深。

登支硎山樓遲遊侶



明三才言選初集卷五十一  
谷寺憐幽密。茲樓表麗觀。煙雲連壑動。竹樹入門寒。獨往  
迷前徑。憑高遲所歡。時聞有清磬。遙出暮林端。

長陵西望泰陵

昔送宮車出。長悲西雍門。今來寒食節。獨望灞陵園。杳杳  
僊城閉。萋萋封樹繁。當時侍從客。慟哭幾人存。沈確士云  
隔句對。泯然無痕。忠愛之意溢於言表。

嘉禾道中

橋李城何在。蕭條草樹存。未醒吳苑酒。已動越鄉魂。問水  
來天日。看桑過石門。愁聞鶉鴉語。寧聽楚山猿。俞右吉云  
景者多矣。方萬里出戶。即乘船徐昌穀看桑過石門語。似淺而實切。

送許補之還丹徒

憐君揮手去。匹馬向南天。旅病青山外。鄉心落日  
變積雪。淮柳動新煙。驛路重雲裏。相思易隔年。陳五

送周夢良令臨朐

官橋一壺酒。來送穆陵人。去住同爲客。風煙各損神。征途  
殘臘盡。到日柳條新。要自酬知己。寸心寧復陳。黯然銷魂

駕出南郊退簡邊喬二太常

齋殿鑾輿下。郊宮鳳野開。霜戈迎日動。芝蓋拂雲來。輦道  
前旌直。鈞陳翼騎迴。甘泉枚朔侍。詞賦接仙才。

贈羅浮山人

聞有羅浮客。臨流眠白雲。海峰帆外接。江影樹中分。蘿戶  
春常閉。林香晝自焚。月明巖畔石。遙禮大茅君。



途次

淇津春渺渺。落日水沄沄。路合原前樹。舟移沙上雲。芳蘋淨渚色。緜帙對鷗羣。坐覺海潮滿。煙波愁向君。簡澹

山中

遙聽伐木響。忽聞樵者歌。獨行山澗遠。宴坐暮蟬多。曠土惜形役。幽人牽薜蘿。明時倘難棄。巢許意如何。蕭爽

送友

送子胡爲別。南中建節行。江虛星斗動。月落海潮平。蘭杜通幽夢。風煙接去塵。懸知有高興。畱滯岳陽城。

月

故園今夜月。迢遞向人明。只自懸清漢。那知隔鳳城。氣兼

杜風露發。光通曙鳥驚。何事江山外。能催白髮生。朱子蓉云此詩却學

逢蠻使語

五嶺馳蠻使。三秋達薊京。北來江草盡。南眺瘴雲平。鄉夢清猿隔。邊心旅雁驚。辛勤萬里札。懷筭未宜輕。

寄杭東卿

西湖十月煙水平。梅花參差千樹明。越王城畔氣應早。林逋宅邊江更清。驛使章臺空寄別。霜天玉笛暗沾纓。故人若有揚州興。爲聽春鴻白雪聲。

送耿晦之守湖州

遠下吳江向雪川。高秋風物倍澄鮮。鷓鴣菰葉翠相亂。錦



石游鱗清可憐。郵渚搥頻津吏鼓。漁歌唱近使君船。吳興  
峴山足勝事。漢水襄陽空昔賢。沈確士云寫湖州山  
水清遠宛然在目

送盛斯徵赴長沙

昔愁越嶠千峰仄。轉入巴渝萬里賒。豈料聖恩憐賈誼。猶  
煩佐郡出長沙。蠻中瘴遠三湘水。江畔春逢十月花。遙聽  
岳陽樓上笛。可能迴首憶京華。沈確士云送人每以忠  
愛勉之此立言之體

簡唐伯虎

麻紙功名笑浪傳。如今袖手了塵緣。交朋零落看書札。花  
月蕭條問酒錢。數里青山騎犢醉。一牀黃葉擁秋眠。心期  
兀兀成幽病。誰與高人辦草屨。寫得高士  
行徑出

靈隱寺贈靜公

聞有千年寺。長松冷翠深。冲虛半樓閣。落日更登臨。舟楫  
窗中小。藤蘿天際陰。江流明暮靄。石澗響空林。蟠據雄都  
會。風煙異古今。幽真余有慕。詩意爾能尋。雲翼無言健。淵  
魚本自沈。終期白蓮社。來就玉山岑。

鳳鳴亭

鳳鳴期不來。瑤華幾銷歇。唯有山中人。吹簫弄明月。昌穀  
曰昌穀  
澹而彌旨足繼王  
裴鞞川唱和諸詠

月軒

石室月已滿。青林人未眠。向月步溪水。白雲遙在天。

香圃

露華散平林。月明在寥廓。時有天風來。冷然桂花落。



古意

我有木蘭舟。欲作三湘客。不愁湘水深。但畏湘中石。

土城

邊風萬里來。忽聚土城口。土城無人行。獨客倚衰柳。

送蕭若愚

送君南下巴淪深。予亦迢迢湘水心。前路不知何地別。千山萬壑暮猿吟。沈確士云可敵大復太華終南之篇

安南歌

送沈使君四首錄一

烏蠻灘上煙水聲。伏波廟前秋月明。夜半津人挽舟上。夷歌偏動望鄉情。陳臥子云渾成

送方山人

嚴子灘頭花落時。水清雲碧淨漣漪。孤舟相逐飛花去。一日看山到武夷。不減鄭都官揚子江頭之作

流聞

庚申七月作

萬里沙場鬼哭聲。頭顱如雪又縱橫。可憐為國投戈死。不得君王識姓名。

將發夏口

鸚鵡洲邊生暮煙。旅人南望思依然。盡道巴陵湖水濶。秋風莫渡漢陽川。

春思

渺渺春江空落暉。行人相顧欲沾衣。楚王宮外千條柳。不遣飛花送客歸。



明三才詩選續集卷五十一  
偶見

深山。曲。路。見。桃。花。馬。上。匆。匆。日。欲。斜。可。奈。玉。鞭。留。不。住。又。啣。春。恨。到。天。涯。深情幽怨

題扇

渺。渺。太。湖。秋。水。濶。扁。舟。搖。動。碧。琉。璃。松。陵。不。隔。東。南。望。楓。落。寒。塘。露。酒。旗。此詩王阮亭極喜誦之

楚中春思

遵。義。門。前。暮。柳。斜。武。當。城。裏。欲。棲。鴉。行。人。獨。立。宮。牆。外。又。見。空。園。落。杏。花。絕世風神

濟上作

兩。年。為。客。逢。秋。節。千。里。孤。舟。濟。水。傍。忽。見。黃。花。倍。惆。悵。故。

園。明。日。又。重。陽。沈確士云語不必深而情深唐人身分如此

西宮怨

興。慶。池。頭。漏。未。闌。黎。園。弟。子。曲。將。殘。花。前。更。奏。涼。州。伎。無。那。西。宮。月。色。寒。含蓄可味

弔徐姬詩姬金陵人善屬詩早死余嘗聞其句云楊花厚處春陰薄清冷不勝單袂衣頗愛其有婉思以詩弔之

繞。廊。吟。罷。楊。花。句。欲。覓。楊。花。樹。已。空。日。暮。街。頭。春。雪。散。杜。鵑。無。力。泣。東。風。

附錄

沈周九首

周字啟南長洲人祖澄伯父貞吉父恒吉皆隱居工



詩畫啟南少從邑人陳孟賢游得其經學指授年十  
一游南都作百韻詩上巡撫侍郎崔恭面試鳳凰臺  
賦援筆立就人以爲不減王子安景泰間郡守欲以  
賢良薦筮易得遯之九五遂決意隱遯所居有水竹  
亭館之勝四方名士過從無虛日奉親至孝父歿或  
勸之仕對曰若不知母氏以我爲命耶奈何離膝下  
居恒厭入城市於郭外置行窩有事一造之晚年匿  
跡惟恐不深巡撫王恕彭禮咸禮敬之欲畱幕下以  
母老辭母年九十九而終啟南亦八十矣又三年以  
正德四年卒啟南於書無所不覽文摹左氏詩學白  
蘇陸務觀字仿黃山谷竝爲世所愛重尤工於畫評

者謂爲明代第一所著有石田詩鈔十卷又有石田  
雜記客座新聞

何元朗曰石田詩有絕佳者但爲畫所掩世不之稱  
朱錫鬯曰石田詩不專仿一家中晚唐南北宋靡所  
不學每於平衍中露新警語人旣貞不絕俗詩亦變  
而成方七言如明月未來風滿樹夕陽猶在鳥無聲  
竹枝雨暗蠓蛸戶豆葉風涼絡緯籬歲晏雞豚鄰社  
鼓秋深蝦蟹水鄉船芭蕉夜雪闌詩興蛺蝶春風卷  
畫圖野色迎人過橋去春風吹面傍花行剪取竹竿  
漁具足撥開荷葉酒船通青山一杖付歸客玉洞千  
花畱故人落木門墻秋水宅亂山城郭夕陽船酒醉



又移花下席書多別起竹間樓所謂詩中有畫者非  
邪昔郭熙撰林泉高致具摭唐人之句取可入畫者  
授人若翁之詩卽此亦圖之不盡也

二月八日過僧居

理舟指南郊迢迢及側景中塗止溪寺孤煙接村暝門前  
見新月步步踏松影虛寮寂無風已有孤燭耿衲子供爐  
香其意似有請草草成數行狂書亂斜整復作挂猿枝墨  
瀋帶雲冷但記此經過流傳我何省

經尙湖望虞山

日午放船湖上頭虞山隨船走不休高雲仰見出翠壁飛  
影下接滄波流青林人家隱山麓雞鳴犬吠聞中洲鷓鴣  
羣棲竹葉暗蜻蜓獨立荷花秋蓮歌漁唱尙互答落景在  
樹猶堪游小舟爭渡各先去獨逆風波渾不憂

從軍行

馬上黃沙拂面行漢家何日不勞兵匈奴久自忘甥舅僕  
射今誰托父兄雲暗旌旗婆勒渡月明刁斗受降城左賢  
早待長繩縛莫遣論功白髮生沈確士云忘世人有此悲壯之作諸選本往往遺之

溪亭小景

幽亭臨水稱冥棲蓼渚莎坪咫尺迷山雨乍來茆溜細溪  
雲欲墮竹梢低檐頭故壘雌雄燕籬脚秋蟲子母雞此段  
風光小韋杜可能無我一青藜宋人名句

寫懷寄僧



虛壁疎燈一穗紅。閑堦隨處亂鳴蟲。明河有影微雲外。清露無聲萬木中。澤國蒼茫秋水遠。居民流落野煙空。不知誰解拋憂患。獨對青山憶贊公。

楚江秋曉圖

天連湘漢水悠悠。水色微茫接素秋。殘月已沉三國恨。亂雲初散九疑愁。南方流落身將老。西堠蕭條客倦游。欲采蘋花恨無伴。美人迢遞隔滄洲。

題畫

草房仍著薜蘿遮。地僻林深自一家。只道春風吹不到。門前依舊有梅花。

溪山落木正蕭蕭。野客尋詩破寂寥。一路夕陽秋色裏。不知吟到段家橋。

題陶靖節像

典午山河已莫支。先生歸去自嫌遲。寄奴小草連天綠。剛剩黃花一兩籬。妙於寄託

孫一元 十五首

一元字太初。不知何許人。人問其邑里。曰我秦人也。嘗棲太白之巔。故號太白山人。或曰安化王之孫王。坐不軌。誅。故變姓名。避難太初。蹤跡奇譎。以鐵笛鶴。瓢自隨。善爲詩。好談論。所至傾動。其士大夫嘗西入華南。入衡東。登岱。又游吳越。遂棲遲不去。鉛山費宏。罷相訪之。南屏山寺。值其晝寢。就臥內與語。送之。及



門了不醉對宏出語人曰吾一生未嘗見此人也後入湖州與劉麟龍霓陸崑吳琬結社稱茗溪五隱買田溪上舉人施侃雅善太初以其妻妹張氏妻之生一女而卒年三十七琬葬之道場山麟銘其墓鄭善夫序其文有太白山人漫藁八卷

王元美曰太初如雪夜偏師問道入蔡又如鳴蜩伏蚓聲振月露體滯泥壤

顧玄言曰太初五律得孟襄陽幽處七言得張曲江曠處

朱錫鬯曰太初家本秦人不受空同圈束其詩亦不盡本唐音觀其與杭東卿論詩作則知瓣香所向乃

屬浩翁劉元瑞墓表謂非唐以前則不顧未爲太初知己方山人太古讀其所寄詩云碧雲行空月皎皎春風滿地花斑斑庶幾近之

汪端論曰石田太初詩不事繩削而自無不合氣韻如山紅澗碧冷豔可人明代之魏野林逋也○文衡山與石田同爲吳中高士然詩格近卑且少警句故未采錄是集以詩存人不以人存詩也

陶淵明

淵明豪傑人出處亦有道昔讀荆軻詩髣髴見懷抱晉室漸陵夷一官非所好劉裕乃何人天意亦草草歸來臥潯陽甲子紀年號酒乃寓真情菊也見孤操



訪樵者

遠尋山中樵。不識山中路。隔林伐木聲。遙憶林深處。不晤竟空歸。日墮西陵樹。

贈鄭繼之

司徒之官不可求。早年通籍金閨游。青袍只今厭奔走。兒女衣食泣道周。屢見文章出翠釜。未聞廊廟登天球。鄉關萬里望不及。風吹離思江花愁。野人勸汝早歸來。塵埃骯髒難爲儔。朝廷屢擊未除盡。早晚尚有巴蜀憂。冰雪照野。驚歲暮。行人烽火路阻修。天狼出明東海岸。哀鳳獨叫西康州。酒酣對汝不解事。爲此長歌歌未休。

發漕河

初日浮高樹。清鷗散淺沙。挂帆湖水上。聞笛野漁家。岸圻菰蒲合。雲迷山郭斜。芳洲動幽興。自起采蘋花。

同孟望之登虎邱山

停舟倚暮色。閒醖對江濱。山迥朱甍出。鐘鳴碧殿聞。林花交野岸。石壁動春雲。落日狂歌客。登臨興不羣。

同顧與成過蓉湖別墅

龍山斜帶郭。樹密野涼多。湖氣薰晴日。雲光淨綠禾。茶瓜隨地覓。村徑與君過。佇愛幽居晚。兒童竹裏歌。

江上別吳廷高約明年同遊嚴陵釣臺

一曲離歌日欲晡。寒雲漠漠亂薜蘿。晚風江上人初別。黃菝樓中酒漫沽。凍樹裏花春有跡。暮林無葉月平鋪。明年



準擬桐江去。共訪嚴陵舊釣徒。

南屏山居

道人占斷南屏景。十里青山帶郭斜。對水柴門通鶴渚。隔鄰煙火是漁家。岳頭老檜占風雨。石上昌陽閱歲華。粧點太平還著我。棕鞵桐帽送生涯。

贈徐廷應

老翁白首負奇好。來往江湖稱地仙。野鷺沙鷗各解事。青蓴紫鱖寧論錢。月明滿地夜呼酒。山色半帆秋放船。偶過海門訪嘯父。相逢各誦雲煙篇。五六爽逸可愛

棲雲樓

樓上開雲萬頃漫。愛雲長日倚闌干。巖花半落嵐光重。木葉亂鳴江雨寒。野老自甘泉石味。兒童時進蕨薇盤。閒來更覺青山好。湘簟疎簾靜裏看。

夜坐

中庭露下溼征裾。獨起蒼茫佇望餘。河漢夜涼人語靜。海門潮上月華初。盛時去國愁難破。看劍燒燈氣未疎。三載相看隔南越。故山戎馬久無書。第四語清曠又有水樓殘夜月華明句亦佳

乙亥元日

元日狂歌倒竹樽。東風昨夜到柴門。生逢盛世憂何事。家在青山道自尊。殘雪疎林開舊色。白沙細浪長新痕。春來漫有滄洲興。文鷁銀鷁滿釣輪。

山中



來往不逢人。家住山深處。獨鶴忽飛來。風動月中樹。

秋晚

秋晚未扃扉。秋亭一葉飛。採蓮人不見。水面落紅衣。

醉吟

瓦瓶倒盡醉難醒。獨抱漁竿臥晚汀。風露滿身呼不起。一江流水夢中聽。

明三十家詩選初集卷五下

錢塘 汪端 允莊輯

謝 榛 六十八首

榛字茂秦臨清人。眇一目。少喜游俠。已而折節讀書。刻意為歌詩。寓居鄴下。趙康王賓禮之。嘉靖間挾詩卷游長安。時濬縣盧柟以非辜繫獄。茂秦於諸貴人前誦柟所著詩賦。泣曰。生有一盧柟。視其死而不救。乃從千古哀沅而弔湘乎。吳人陸光祖為濬令。平反其獄。柟得免死。李于鱗、王元美等方結社於燕。重茂秦行誼。推為盟長。後于鱗名盛。茂秦與論詩不合。于鱗遂遺書絕交。元美諸人咸右于鱗。而排茂秦。削其



明三才言選不身卷五十一  
名于七子五子之列然茂秦游道日廣秦晉諸藩爭  
延致之河南北皆稱謝榛先生趙康王薨茂秦歸東  
海康王曾孫穆王亦禮茂秦爲刻其全集復游燕趙  
間萬歷六年卒於大名有四溟山人集十卷又有詩  
家直說

江進之曰求真詩于七子之中則謝茂秦者所謂人  
棄我取者也

陳臥子曰茂秦沈練雄渾法度森然可稱節制之師  
潘之恒巨史曰趙穆王雅愛茂秦詩萬歷癸酉冬茂  
秦自關中還鄴謁王王宴之便殿酒闌樂止命所愛  
賈姬獨奏琵琶則茂秦所製竹枝詞也茂秦方傾聽

王命姬出拜光華射人席地而坐竟十章茂秦曰此  
山人里言耳請更製以備房中之奏詰朝上竹枝詞  
十四章姬悉按而譜之明年元夕盛禮而歸姬於茂  
秦邸舍茂秦載以游燕趙越二年至大名客請賦壽  
詩百章至八十餘首投筆而逝姬率二子奉柩停大  
寺之傍每夜操琵琶一曲歌茂秦竹枝詞必慟絕而  
罷已乃以千金裝付二子令歸葬自破樂器歸老子  
園闌間後三十餘年寺僧猶能道其遺事

陳伯幾曰山人說詩取初盛十二家并李杜集中之  
最佳者錄成一帙熟讀之以會神氣申詠之以求聲  
調玩味之以哀精華得此三要造乎渾成不必塑謫



仙而畫少陵也王李諸公心師其言厥後雖爭擯山人其稱詩之指要實自山人發之近人多以王李爲口實并謝集亦束之高閣不復寓目間有誦法之者止知其格調之高而不知其意境之細余謂山人詩凡可想像摹擬者便佳以其用意委曲也

朱錫鬯曰七子結社之初李王得名未盛稱詩選格多取定于四溟于鱗贈詩曰謝榛吾黨彥咄嗟名七籍遂令清廟音乃在褐衣客於時元美等作五子詩咸首四溟而次以于鱗旣而布衣高論不爲同社所安于鱗乃遺書絕交曰豈其使一眇君子肆於二三兄弟之上必不然矣元美別定五子遽削其名曰後

五子則南昌余曰德德甫蒲圻魏裳順甫歙汪道昆伯玉銅梁張佳胤肖甫新蔡張九一助甫也曰廣五子則崑山俞允文仲蔚濬盧柟次榘濮陽李先芳伯承孝豐吳維嶽峻伯南海歐大任楨伯也曰續五子則陽曲王道行明甫東明石星拱辰從化黎民表維敬豫章朱多燧用晦常熟趙用賢汝師也曰末五子則用賢及京山李維楨本寧鄞屠隆緯真南樂魏允中懋權蘭溪胡應麟元瑞也其後廣爲四十子而四溟終不得與焉故四溟賦雜感詩有奈何君子交中道兩棄置之句亦可悲矣于鱗有言眇君子雖毫而繩墨猶存則亦未嘗深絕之特明時重資格於章服



中雜以韋布終以為嫌耳

沈確士曰四溟近體句烹字鍊氣逸調高七子中故推獨步古體局守規格有宗法而無生氣弗取也

汪端論曰昌穀詩盡洗蕪詞故澹遠清微而色韻自古茂秦詩不專虛響故精深壯麗而懷抱極和雖當空同滄溟聲焰大熾之時為所牢籠推挽參前後七子之席然本色自存究非德涵敬夫伯玉子與輩叫囂癡重隨人作計者比是以昌穀始未輸心而茂秦終且避面宜其造詣皆卓爾不羣也今錄兩人詩為一卷合而論之世之拾前人唾餘謂空同造就昌穀茂秦羽翼滄溟者亦可爽然悟矣

行路難

荀卿將入楚范叔未歸秦花鳥非鄉國悠悠路行人沈確士云平淡語而行路之難自見

塞下曲

塞上黃鬚兒飲馬黑山澗彎弧向朔雲莫射南飛雁

塞上曲

旌旗蕩野塞雲開金鼓連天朔雁同落日半山追曠騎彎弓直過李陵臺

遠別曲

阿郎幾載客三秦好憶儂家漢水濱門外兩株烏柏樹叮嚀說向寄書人沈確士云寫情極真方之茨姑葉爛一篇可云新聲古意



擣衣曲

秦關昨寄一書歸。百戰郎從劉武威。見說平安收涕淚。梧桐樹下擣寒衣。沈確士云可憐無定河邊骨猶是深閨夢裏人幾於哀感頑豔矣此詩可以嗣音

胡笳曲

沙磧茫茫黑水流。羌兒六月換羊裘。駱駝背上吹蘆管。風散龍荒作冷秋。不落唐人窠臼

漠北詞

石頭敲火炙黃羊。燕女低歌勸酪漿。醉殺單于不知夜。鷓兒嶺下月如霜。

雜感寄都門舊知

瞻彼終南山。松蘿幽且邃。中有一真人。超然遠朝市。手握神龍珠。照夜光自秘。石苔積古色。斗室廓天地。澗泉為誰清。蕙花為誰媚。西望徒遐思。書札何由寄。嗟哉處流俗。冥心無可醉。鴟鴞為家祥。鳳鸞非世瑞。奈何君子交。中道兩棄置。不見鍼與石。相合似同類。文字生瑕疵。鄧林紛葉墜。有家早歸歟。獨歌以卒歲。歲寒元氣塞。偃仰待春事。

雨中宿榆林店

涼雨何冥冥。黑雲何浩浩。出行夜不休。破屋臨古道。數口遠相投。燕穢不及掃。園荒無主人。馬散齧秋草。席地即吾廬。餘生聊自保。隔林乞火回。酌酒慰懷抱。反為妻子嗤。寧如在家好。

暮秋卽事



十見黃花發。孤樽思不勝。關河秋後雁。風雨夜深燈。畱滯  
悲王粲。交遊憶李膺。相隨年少子。走馬獵韓陵。

登榆林城

憑高望不極。天外一鴻過。衆嶺夕陽盡。孤城寒色多。蘆笳  
滿亭埃。羽檄度關河。遙憶龍庭士。嚴霜正荷戈。

暮秋簡徐載卿

南征秋已老。不寐夜漫漫。白髮艱虞盡。滄洲去住難。旌旗  
連野暗。兵甲照江寒。選將須臾事。誰能議築壇。所感者深

薄伐

薄伐元中策。論兵自古難。漢唐頻拓地。將帥幾登壇。絕漠  
兼天盡。交河蕩日寒。不知大宛馬。曾復到長安。入杜陵之室

春夜卽事

春草非吾土。春宵還自悲。庭虛風稍靜。簾捲月何遲。久病  
兒知藥。長吟婦解詩。他年學耕稼。肯負鹿門期。

春園

水村人寂寂。遲日敞柴關。菜甲春初細。園丁雨後閒。沙邊  
來白鳥。柳外出青山。此地多幽意。行歌薄暮還。

榆河曉發

朝暉開衆山。遙見居庸關。雲出三邊外。風生萬馬間。征塵  
何日靜。古戍幾人閒。忽憶棄繻者。空慙旅鬢斑。沈確土云讀風生萬

馬間紙上有聲若衍成二語氣味便薄

夏夜獨坐披襟當風頗有秋意賦此寄懷



散髮南樓夜。翛然披素襟。蛩聲依草際。螢火落牆陰。老破當年夢。秋生久客心。遙思苔石上。坐聽美人琴。

楊以時復遊郡下

亂後相逢日。論交已半非。謀生雙鬢改。感舊十年歸。帆落煙中浦。琴鳴竹裏扉。重來傍燕市。霜露滿秋衣。

送樊侍御之金陵

地入維揚路。天分牛斗墟。秋帆二水外。春草六朝餘。冰雪生官舍。風塵走諫書。從來經國者。寧不念樵漁。秀絕

除夕示兒元炳兼憶元輝諸兒

對汝還成歎。寒更坐轉深。異鄉垂老計。春草隔年心。蠟炬明殘夜。天風破積陰。遙憐幾穉子。酒罷一長吟。

晚起

曉起正科頭。時聞花外鳩。出門疎雨歇。倚杖斷雲流。綠草偏依水。青山半入樓。況逢春酒熟。不負嗣宗遊。

晚過西湖

悵望西山路。曾經代馬過。重來把楊柳。獨立向煙波。日影峰頭盡。春寒湖上多。漁樵一相見。猶為話兵戈。

寒食旅懷

薊北驚寒食。淹留幾自嗟。春風來燕子。落日在桃花。邱隴行邊淚。江湖夢裏家。不知疎懶客。何物是生涯。

晚眺

寒日下西陵。漳河晚渡冰。孤城歸獵騎。雙樹隱禪燈。野眺



心何遠。巖棲老未能。翻憐戎馬日。愁思坐相仍。

伏枕

伏枕無窮事。虛堂秋夜深。松低半窗月。山靜數家砧。老鶴同幽意。寒蟬伴苦吟。百年兒女計。誰識向平心。

重過張氏園林

隨處攜鳩杖。狂時倒鵝冠。晚山當座出。風竹滿樓寒。獨酌世情遠。長歌春事殘。不知桃李發。白首幾回看。三四自然

居庸關

控海幽燕地。彎弓豪俠兒。秋山牧馬處。朔塞用兵時。嶺斷雲飛迥。關長鳥度遲。當朝有魏尚。復此駐旌旗。作者上律謝健秀錄

皆似嘉州

東園秋色柬知己

悲歌殘燭下。秋思轉紛紛。落葉多驚雨。明河半隔雲。螢光時復見。蟲響夜多聞。誰是論心侶。清樽可共君。

歲暮盧次楸過鄴有感

燕霜終古憤。梁獄昔年書。世事疎狂裏。交情患難餘。相看年欲老。多感歲將除。醉擬應劉賦。春風起敝廬。

暮秋夜柬宗上人

山城搖落夜。感慨幾人同。舊館殘孤燭。秋原老百蟲。才疎漂泊際。心定寂寥中。亦有逃禪意。明朝過遠公。

送謝給事封蜀

使星巴蜀外。漢節夜郎西。樹斷分金馬。江清見石犀。王孫



重茅土。天子錫桐圭。異世懷張載。應畱劔閣題。

初冬夜同李伯承過碧雲寺

並馬尋名寺。登高藉短筇。飛泉鳴古澗。落月在寒松。石路經千轉。雲巖復幾重。人間多夢寐。誰聽上方鐘。

七夕餞別得秋字

北斗挂城頭。明河迥不流。人間清露夜。天上白榆秋。聚散多歧路。悲歡自女牛。誰知老來拙。迴首故鄉樓。沈確士云與朝暉開

衆山一  
種起手

寄東平劉成卿

有才官遽罷。知爾國憂深。涕淚看春草。艱難返故林。餘生恩到骨。獨臥夢驚心。龍劔多靈異。還疑風雨吟。

雁門

昔年雁門路。霜氣逼征鞍。野望天何慘。徒行老更難。人煙隔水靜。鬼火照沙寒。戰伐空悲感。風悽戍角殘。

寄懷許伯誠

發軔遼陽雪。還家韋杜春。客疎門自掩。官罷酒相親。白首歌今代。青山夢古人。行藏不可問。獨鶴下西秦。

秋雨宿權亭驛有感

驛燈分曙色。野館滯秋陰。已倦衰年事。偏馳故國心。夜涼槐雨滴。月暗草蟲吟。歸夢不知路。千山雲更深。善寫旅况

渡黃河

路出大梁城。關河開曉晴。日翻龍窟動。風掃雁沙平。倚劔



嗟身事。張帆快旅情。茫茫不知處。空外棹歌聲。沈確士云翻字掃字

得少陵詩眼法  
與客話洞庭湖

南望岳陽郡。蒼茫吳楚分。帆迴孤島樹。樓出九江雲。落日波中沒。秋風天外聞。何時采蘋藻。湖上弔湘君。風致如瑤天笙鶴

元夕道院同于鱗元美諸子得家字

長安月正滿。游騎隘京華。夜火分千樹。春星落萬家。乘閒來紫府。垂老問丹砂。笙鶴歸何處。依稀見彩霞。沈確士云春星五字亦警亦秀自能高壓滿坐

野興

白白霜凝地。飛飛雁度河。孤峰依漢迥。老樹得秋多。月曉

山精伏。時清野父歌。短筇隨我意。一徑入煙蘿。

大梁冬夜

坐嘯南樓夜。孤燈客思長。人吹五更笛。月照萬家霜。歸計身多病。生涯鬢易蒼。征鴻向何許。春意徧湖湘。俊亮

冬夜黃給事用章宅同張肖甫賦得中字

初逢青瑣彥。下榻一宵同。月落棋聲裏。春回燭影中。放歌還楚調。扶醉有巴童。上苑遙相問。梅花定幾叢。

春日東李之茂

君逢初度日。閉戶正思親。綠酒誰開甕。斑衣自積塵。斷雲愁裏色。獨樹淚邊春。今夕應無寐。啼鳥莫傍人。

畱贈畢將軍



廣武屯兵甲君今可壯圖得心能戰守報國在艱虞城曉  
角聲斷沙晴鵬影孤秋來一躍馬仗劍指伊吾

送范中丞堯卿鎮贛州

九月虔州去天南宿霧開揚帆生遠思秉鉞見雄才地轉  
三吳盡山連百粵迴夜深瞻北斗獨上鬱孤臺

朱笠亭云  
結語得體

送王端甫歸蒲坂

惜別京華道秋風送馬蹄日斜孤雁外家遠萬峰西歸計  
聊樽酒行歌且杖藜何時首陽下共爾弔夷齊

送王侍御按河南

塞上初歸復此行燕南極目送飛旌天連嵩嶽寒雲盡馬  
度黃河春草生簪筆常思未央殿封章時發大梁城知君

最愛應劉賦更向西園一寄聲

病懷

鬢髮蕭蕭晝不冠他鄉風物若爲看花庭晒藥日將午茆  
屋烹茶春尚寒久別親朋誰問病深憐兒女自加餐是非  
高枕浮雲過遙憶西河舊釣竿

可悲在誰  
字自字

秋日懷弟

生涯憐汝自樵蘇時序驚心尙道途別後幾年兒女大望  
中千里弟兄孤秋天落木愁多少夜雨殘燈夢有無遙想  
故園揮涕淚況聞寒雁下江湖

茂秦所以勝於滄溟  
只是詩中有懷抱耳

送謝武選少安犒師固原因還蜀會兄葬

天書早下促星輅二月關河凍未銷白首應憐班定遠黃



金先賜霍嫖姚。秦雲曉渡三川水。蜀道春通萬里橋。一對  
鄆筒腸欲斷。鶴鴿原上草蕭蕭。沈確士云將題意逐層安  
放有神無迹與高青邱送

沈左司詩三百年  
中不易多見者也

### 暮秋郊行偶述

太行迢遞起蒼煙。淒斷鳴鴻倚杖前。南阻黃巾愁落日。東  
遊阜帽感當年。山城秋老行邊樹。河甸寒生戰後天。獨有  
王孫多意氣。千金駿馬獵平田。

### 送李給事元樹奉使雲中諸鎮

楚闡朝下促飛旌。歲暮看君塞上行。戍角動人多苦調。戎  
衣走馬半新兵。關開泳鹿雲連樹。路出蜚狐雪滿城。計日  
楚才封事上。君王深見九邊情。

### 送客遊洞庭湖

相逢楚客問巴州。此去揚帆湖上遊。天漢長連洞庭水。雲  
霞半入岳陽樓。低空白雁投寒渚。隔浦丹楓照暮秋。莫向  
湘君聽鼓瑟。黃陵月冷不勝愁。

### 夜話李孺長書屋因憶迺翁左納言

忘年爾我重交情。論事相同見老成。月到廣除寒有色。鴉  
歸疎柳夜無聲。三農最苦江南稅。百戰方休海上兵。歲暮  
銀臺應感歎。幾人封事爲蒼生。沈確士云時江南增稅海  
寇方息山人感事及之非  
泛作憂  
時語

### 除夕吳子充諸人集旅寓感

一年憂喜今宵過。兩鬢風霜明日新。書劍自憐多病客。江



湖同是放歌人。宮中燭映西山雪。笛裏梅傳上國春。他日聽鶯懷舊侶。不知誰共醉芳晨。五六雅麗 頗近盛唐

○初春夜同梁公實宗子相賦得聲字

雪盡長風吹禁城。梅花零落此時情。關河月暗迷鴻影。宮殿春寒澀漏聲。亂後騷人同百感。年來壯士苦長征。樽前莫話邊庭事。彈劍悲歌氣未平。

○楊參軍次山歸自古北口

淮南高士落人間。仗劍經秋未破顏。自惜草元淹歲月。可堪垂白向邊關。天橫夕照明孤壘。地擁寒沙接亂山。長路誰能問行役。夜來驅馬雪中還。

秋夜對月書寄友人

庭草驚秋白露垂。冰輪漸覺度河遲。光臨鳳闕清鐘斷。寒入龍庭畫角悲。天上幾看鴻雁影。山中又老桂花枝。共知庾亮南樓夜。曾為勲名感鬢絲。朱笠亭云三四悽愴中 有呼蝶之象六句自寓

塞下

路出古雲州。風沙吹不休。烏鷺下空磧。駝馬渡寒流。地曠邊聲動。天高朔氣浮。霜連窮海夕。月照大荒秋。擊鼓番王醉。吹笳漢女愁。龍城若復取。俠士幾封侯。

都下別張志虞

十年今一見。話舊却成悲。共醉新豐酒。天涯又別離。語不須多 自有絃外之音

潞陽曉訪馬員外汝言



野濶早霜明。林空涼吹動。一犬吠人來。松窗破秋夢。右丞

秋閨

目極江天遠。秋霜下白蘋。可憐南去雁。不爲倚樓人。

春雪登樓

天垂樓外雲。雪變城中樹。何處不春寒。鴉啼又飛去。

東園秋懷

地僻有長松。鶴閑非短翮。落落丈夫心。白頭幾人識。

寄武當山張隱君

辭官身寄楚天涯。石室燒丹別是家。七十二峰春雪裏。杖藜隨意看梅花。

晚登沁州城

蒼茫野色幾沙灘。漳水東流倚堞看。煙火滿城天向夕。一鵬飛過不知寒。

見暮鴉有感

來時庭草吐春芽。池水驚心落藕花。空記三秋故鄉夢。夕陽疎柳看歸鴉。



明二十家詩選初集卷六上

錢塘 汪端 允莊輯

李攀龍 四十六首

攀龍字子鱗歷城人九歲而孤家貧自奮于學舉嘉  
 靖甲辰進士授刑部主事歷員外郎中出為順德知  
 府廉介多惠政上官交薦擢陝西提學副使鄉人殷  
 學為巡撫檄令屬文于鱗佛然曰文可檄致耶拒不  
 應西地數震心悸念母遂移疾歸構白雪樓于鮑山  
 華不注之間間望茂著賓客造門率謝不見大吏至  
 亦然以是得簡傲聲隆慶元年薦起浙江副使改參  
 政擢河南按察使于鱗至是摧亢為和賓客亦稍稍



進三年奔母喪歸哀毀得疾踰小祥卒年五十七于  
麟始官刑部與謝榛王世貞宗臣梁有譽徐中行吳  
國倫倡詩社稱七才子有滄溟詩文集三十卷又有  
春秋孔義詩學事類古今詩刪等書

胡元瑞曰于鱗七律高華傑起一代宗風而用字多  
同十篇而外不耐多讀

屠長卿曰元美推尊于鱗誠太過然當時諸公揮毫  
或未免纖弱于鱗晚出蒼健驚人奈何不壓倒曹耦  
今若盡讀于鱗詩初則喜而雄俊多則厭其雷同若  
雜一首於衆作之中則陡覺矯壯而突出矣宜其爲  
元美賞詭如此也

王元美曰余在西省時於于鱗詩無所不見而所見  
文獨贈余兩序及顏神城碑之類不能十餘首當時  
心服其能稱說古者以牛耳歸之衆已有葵邱之議  
而最後集刻行則叛者羣起然往往以詰屈聱牙攻  
之則過矣于鱗之病在氣有窒而辭有蔓或借長語  
而演之使不可了或以古語而傳新事使不可識又  
或心所不許而漫應之不能伏匿其辭至於寂寥而  
不可諷味此三者誠有之若乃誌傳之類其合作處  
真周鼎商彝尺牘之所輸寫奇辭澹言縱橫溢來而  
莫能禦恐非北地信陽所辦也  
何無咎曰滄溟以精麗響亮取勝非不金莖玉樹月



鶴霜鐘第語過清空意少變化

朱錫鬯曰于鱗樂府止規字句而遺其神明是何異  
安漢公之金滕大誥文中子之續經乎五古學步蘇  
李曹劉如浮雲從何來焉知非故鄉來者自爲今去  
者自爲昔差具神理然新警者寡矣七古五律要非  
作家惟七律人所共推心摹手追者王維李頎也  
沈確士曰滄溟七律已臻高格未極變態七絕有神  
無跡語近情深故應跨越餘子

王貽上曰滄溟先生身後最爲寥落其寵姬蔡萬歷  
癸卯年七十餘矣在濟南西郊賣胡餅自給叔祖季  
木見之爲賦詩有白雪高埋一代文蔡姬典盡舊羅

裙之句滄溟清節可知矣

天山西山日記曰李于鱗解組後構白雪樓樓三層最上  
其吟咏處中以居一愛姬最下延客四面環以水有  
來謁者先請投其所作詩許可方以小艇渡之否則  
遙語曰亟歸讀書不煩枉駕也

汪端論曰滄溟天資英邁實未易才惜早年求名太  
急沿獻吉之餘波引鳳洲爲同調動以吾道主盟自  
命矜厲失平浮誇不切效之者叫喚成習而真詩漸  
亡遂與空同並爲後人掊擊詬厲固其宜也然其厭  
進喜退持已清嚴始著循吏之稱終成殉母之孝固  
不失爲君子視空同素行自有河淮之別若其樂府



之擬議不能變化唐無古詩之謬微吾長夜之非則于文定公文介及竹垞諸人論之已詳茲不贅焉

猛虎行

饑且從漂母食。寒且從巢父棲。石不為周客。笑玉不為楚王啼。菅茅但塞路。桃李自成蹊。頗有古意無餽飭氣習

塞上曲送元美

白羽如霜出塞寒。胡烽不斷接長安。城頭一片西山月。多少征人馬上看。沈確士云可使樂人歌之

明妃曲

天山雪後北風寒。抱得琵琶馬上彈。曲罷不知青海月徘徊。猶作漢宮看。沈確士云不著議論而一切著議論者皆在其下此詩品也

黃督

誰能見歌舞。不自愛陽春。少年雙淚落。知是他鄉人。

錄別

秋風西北來。蕭蕭動百草。蕩子無室家。悠悠在長道。紅顏能幾時。棄捐一何早。對客發素書。零涕復盈抱。上言故鄉好。下言故人老。沈確士云淺淺語道得情出

古意

秋風西北起。吹我遊子裳。浮雲從何來。安知非故鄉。蕭蕭胡馬鳴。翩翩下枯桑。暮色入中原。飛蓬轉戰場。往路不可懷。行役自悲傷。沈確士云浮雲十字殊近古人

朝陵夜作



上陵無不美。秋杪更宜看。風雨朝佳氣。旌旗擁漢官。星流千嶂過。月出萬松寒。倚馬清鐘外。新霜滿玉鞍。

登黃榆馬陵諸山是太行絕頂處

黃榆高不極。臨眺亦奇哉。河勢中原拆。山形上黨來。白雲橫塞斷。寒峽倚天開。搖落清秋色。多慙作賦才。不盡寒雲外。青峰落照多。秋陰生大鹵。木葉下滹沱。巨壑藏風雨。飛梁挂薜蘿。重關三輔地。躍馬意如何。

寄元美

漁陽春欲盡。漢使未堪愁。邊郡多豪俠。風塵一壯遊。浮雲寒大漠。白日澹幽州。莫更觀遼海。蕭條正北流。

黃河

復就三秦役。還爲四牡歌。北風揚片席。大雪渡黃河。才豈諸郎少。名非一郡多。儒官明主意。吾道好蹉跎。

廣陽山道中

出峽還何地。松杉鬱不開。雷聲千嶂落。雨色萬峰來。地勝紆王事。年饑損吏才。難將憂旱意。涕泣向蒿萊。

送趙戶部出守淮陽

仙郎起草漢明光。幾載軍儲事朔方。五馬新爲淮海郡。三臺舊署度支章。行車麥秀隨春雨。臥閣花深對夕陽。時憶上林詞賦客。鴻書遙下楚雲長。

筆墨矜秀

崔駙馬山池燕集

主家池館帝城隅。上客相如漢大夫。十里芙蓉迎劍舄。一



樽風雨對江湖。橋邊取石鯨飛動。臺上吹簫鳳。有無向夕。不堪車馬散。朱門空鎖月。明孤。沈確士云玩末句應是主亡之後

秋前一日同元美茂秦吳峻伯徐汝思集城南樓

萬里銀河接御溝。千門夜色映南樓。城頭客醉燕山月。笛裏寒生薊北秋。胡地帛書鴻雁動。漢宮紈扇婕妤愁。西風明日吹雙鬢。且逐飛蓬賦遠遊。

送皇甫別駕往開州

銜杯昨日夏雲過。愁向燕山送玉珂。吳下詩名諸弟少。天涯宦蹟左遷多。人家夜雨黎陽樹。客渡秋風瓠子河。自有呂虔刀可贈。開州別駕豈蹉跎。沈確士云于鱗論七律云數篇知得力有由

送暉員外按察郢中

醉擁驪駒不可留。送君花發鳳凰樓。青春開府西陵色。白日登臺北雁愁。寒雨遠分荆楚望。白雲無盡漢江流。共知人世悲難合。儻得隋珠莫暗投。

初春元美席上贈茂秦

鳳城楊柳又堪攀。謝朓西園未擬還。客久高吟生白髮。春來歸夢滿青山。明時抱病風塵下。短褐論交天地間。聞道鹿門妻子在。祇今詞賦且燕關。沈確士云誦五六語如見茂秦聲氣之高應求之廣

懷子相

薊門秋杪送仙槎。此日開樽轉歲華。臥病山中生桂樹。懷人江上落梅花。春來鴻雁書千里。夜色樓臺雪萬家。南粵



東吳還獨往。應憐薄宦滯天涯。

秀色在骨

同元美與子相公實分賦懷泰山東順甫

域內名山首岱宗。側身東望一相從。河流曉挂天門樹。海色秋高日觀峰。金篋何人探漢策。白雲千載護秦封。向來信宿藤蘿外。杖底西風萬壑鐘。

沈確士云第二語弱

張駕部宅梅花

仙郎雪後建章迴。清夜西園擁上才。笛裏春愁燕塞滿。梁間月色漢宮來。卽看芳樹催顏鬢。莫厭寒花對酒杯。共憶故人江北望。因君賦罷倚徘徊。

送譙比部還順慶

歸去嘉陵江上春。襜帷不復厭風塵。巴山漸出雲連劍。閣迴看雪照秦歲。晚江湖多病疏時危。裘馬倦遊人明光。起草君無簿。漢主恩深侍從臣。

同張滑縣登清風樓

層樓落日倚蹉跎。明府高軒載酒過。檻外秋陰開大陸。簾前樹色散漳河。關門紫氣臨燕滿。風雨青山入晉多。我醉欲裁王粲賦。故園戎馬近如何。

詩非不佳第千篇一律是以不能多采

郡城樓送明卿

西來山色滿城頭。東望漳河入檻流。傲吏歲時頻臥閣。故人風雨一登樓。亂離王粲逢多病。著作虞卿老自愁。君到長安相問訊。誰憐五月有披裘。

徙倚高樓問索居。故人湖海意何如。樽中十日平原酒。袖



裏三年薊北書。大麓夏雲當檻出。石門寒雨過城疎。明朝  
遠道空相憶。那得仍停使者車。

○登黃榆馬陵諸山是太行絕頂處

太行山色倚巒峴。絕頂清秋萬里看。地坼黃河趨碣石。天  
迴紫塞抱長安。悲風大壑飛流折。白日千崖落木寒。向夕  
振衣來朔雨。關門蕭瑟罷憑欄。

千峰郡閣望嵯峨。此日寒帷按塞過。落木悲風鴻雁下。白  
雲秋色太行多。山連大陸蟠三晉。水劃中原散九河。巨首  
薊門高殺氣。羽林諸將正橫戈。

○趙州道中憶殿卿

憶爾檐帷出牧年。風塵誰識使君賢。政成神雀猶堪下。興  
盡冥鴻遂杳然。樹色遠浮疎雨外。人家忽斷夕陽前。重來  
此地逢寒食。何處看春不可憐。

寄劉子成

書札清秋問解攜。郡齋吟眺楚雲低。大夫持憲臨諸粵。使  
者徵兵出五溪。白日自流荒徼外。青山不盡夜郎西。於今  
萬里看銅柱。何意中原厭鼓鼙。

平涼

春色蕭條白日斜。平涼西北見天涯。唯餘青草王孫路。不  
屬朱門帝子家。宛馬如雲開漢苑。秦兵二月走胡沙。欲投  
萬里封侯筆。愧我談經鬢有華。  
壯潤。此詩或作何大復誤。

杪秋登太華山絕頂



縹緲真探白帝宮。三峰此日為誰雄。蒼龍半挂秦川雨。石馬長嘶漢苑風。地敞中原秋色盡。天開萬里夕陽空。平生突兀看人意。容爾深知造化功。  
沈確士云滄溟詩有虛響有沉著此沉著一路

送陸從事赴遼陽

御苑東風吹客過。共看芳草有離珂。西山晴雪鴻邊盡。北海春雲馬上多。地險時窺玄菟郡。天驕夜遁白狼河。知君幕下參高畫。諸將何時議止戈。

上朱大司空

河隄使者大司空。兼領中丞節制同。轉餉十年軍國壯。朝宗萬里帝圖雄。春流無恙桃花水。秋色依然瓠子宮。太史但裁溝洫志。丈人何減漢臣風。  
五六劇為元美所推

神通寺

相傳精舍朗公開。千載金牛去不回。初地花間藏洞壑。諸天樹杪出樓臺。月高清楚西峰落。霜淨疎鐘下界來。豈謂投簪能避俗。將因臥病白雲隈。  
陳臥子云此李頎聞梵高亮過之

七夕集元美宅送茂秦

祖席陳瓜果。征衣理薜蘿。雲邊看露掌。花裏出星河。仙吏揮金碗。佳人罷錦梭。新知天上少。秀句鄴中多。疎拙時名棄。雄豪鹵障過。秋風吹鬢髮。落日渡滹沱。匕首荆卿贈。刀頭桂客歌。明年見牛女。能不憶羊何。  
追琢工雅不愧名作

送楊給事河南召募

曠騎休南牧。朝廷議北征。幄中新授律。天下大徵兵。使者



持符出。君推抗疏名。黃金秋突兀。白羽日縱橫。嶽雪三花秀。河冰萬馬行。將軍邀劇孟。公子得侯嬴。屠販多豪傑。風塵鬱戰爭。有呼皆左袒。無役不先鳴。寧久燕山戍。終期瀚海清。過梁投賦筆。更爲請長纓。又送人之順慶云嘉陵渡春水棧道轉秋雲亦俊拔

別意

朝來送歸客。復此長河湄。立馬折楊柳。已無前日枝。關合極妙

寄龔勛

白雲湖上白雲飛。長白山中去不歸。君在幾峰秋色裏。何人共製薜蘿衣。

送子相歸廣陵

廣陵秋色雨中開。繫馬青楓江上臺。落日千帆低不度。驚

濤一片雪山來。

郡齋同元美賦

山色秋停。使者輶孤。城何處不蕭條。請看襄子宮前水。依舊東流。豫讓橋。

懷明卿

豫章西望彩雲間。九派長江九疊山。高臥不須窺石鏡。秋風憔悴侍臣顏。浴溟七絕遠韻遠神得青蓮遺法

春日聞明卿之京爲寄

十載浮雲傍逐臣。歸來不改漢宮春。摩挲金馬宮門外。誰識當時諫獵人。

輓王中丞名忬元美父也爲嚴氏所害



明三才詩選初集卷六上  
司馬臺前列栢高。風雲猶自夾旌旄。屬鏤不是君王意。莫作胥江萬里濤。沈確士云爲中丞吐氣而忠厚之意自見

贈梁伯龍

太華峰頭玉女壇。別時明月滿長安。不知秋色今多少。君到仙人掌上看。

送明卿之江西

青楓颯颯雨淒淒。秋色遙看入楚迷。誰向孤舟憐逐客。白雲相送大江西。

送劉戶部之湖廣

錦帆南入楚雲重。江上遙看衡嶽峰。落日蒼茫秋不斷。青天七十二芙蓉。

附錄

于慎行 六首

慎行字無垢。東阿人。年十七舉於鄉。隆慶二年成進士。選庶吉士。授編修。萬歷初。穆宗實錄成。進修撰。充日講官。御史劉臺以劾張居正被逮。僚友咸避匿。無垢獨往視之。及居正奪情。偕同官具疏諫。呂調陽格之。不得上。居正聞而怒。他日謂之曰。子吾所厚。亦爲此耶。無垢從容對曰。正以公見厚。故耳。居正怫然無垢。尋以疾乞歸。居正卒。起故官。進左諭德。時有詔籍居正家。無垢遺書刑部侍郎邱楨。言江陵母老。諸子覆巢遺卵。顛沛可傷。宜推明主帷蓋之恩。全大臣簪



履之誼詞極懇惻時論韙之由侍講學士擢禮部侍郎改吏部尋遷禮部尙書無垢明習典制諸大禮多所裁定萬歷十八年再疏請建儲忤旨自劾乞罷久而帝復思之三十五年詔加太子少保東閣大學士入參機務時無垢已得疾再辭不允乃就道抵京數日卒年六十三贈太子太保諡文定無垢學有源委貫穿百家詩文宏麗一時推大手筆慶歷間李于鱗詩派盛行海內無垢獨心非之嘗論古樂府曰唐人不爲古樂府是知古樂府也辭聲相雜旣無從辨音節未會又難於歌故不爲耳然不效其體而時假其名以達所欲言斯摹古而託焉者乎近世一二名家

至乃逐句形模以追遺響則唐人所吐棄矣余間爲郊祀饒歌可數十首已而視之頗涉兒戲亦復不自了然遂焚棄之取其首節稍近者倣其一二謂之本調至近體歌行如唐人所假者不曰樂府則詩之而已矣夫唐人能爲而不爲今人能爲而爲之余奈何不能爲而爲也又論五言古詩曰魏晉之於五言豈非神化學之則迂矣何者意象空洞樸而不敢瑣塗軌整嚴制而不敢騁少則難變多則易窮古所謂鸚鵡語不過數聲耳原本性靈極命物態洪纖明滅畢究精蘊唐果無五言古詩哉余旣知其解矣而不能舍魏晉者取其可以歲拙且適所便非能遂似之也



海內賞真之士有以吾言爲是者吾詩雖不觀可矣  
論者謂其切中歷下之病云所著有穀城山館集二  
十卷又有穀山筆塵讀史漫錄兗州府志等書  
朱錫鬯曰文定格律和平當正聲微茫之時能爲是  
調卽以詩高選亦堪作相

汪端論曰文定詩清新圓美絕去纖佻其論樂府古  
詩固屬滄溟對疾針砭而所難及者初不自以爲是  
非若公安竟陵於詩本無深解倡爲異議不過欲據  
李王壇坫而有之耳其於江陵盛時則匡其失敗後  
則閔其家尤見古人風誼較吳趙諸公似勝一籌所  
著讀史漫錄論斷亦有醇無疵在明季不可多得也

子夜歌

秋月照四壁。絡緯當窗織。徒聞機杼聲。終夜不成匹。

邵伯湖夕泊

日暮倚蘭橈。秋江正寂寥。驛門斜對雨。郡郭遠通潮。急櫓  
看商舶。寒燈見市橋。隋堤前路近。欲聽月中簫。

秦淮

秋月。秦淮岸。江聲轉畫橋。市樓臨綺陌。商女駐蘭橈。雲裏  
青絲騎。花間碧玉簫。不知桃葉水流恨。幾時消。

風度  
嫣然

長干

白門通市里。人道古長干。陌柳藏鴉曙。秋潮帶雨寒。橫塘  
歸客斷。子夜舊歌闌。別是繁華地。休將六代看。



白溝河

西風吹易水。曉飯白溝河。獵騎平原淺。漁舟別浦多。地分燕趙敵。國蹙宋遼和。今日逢全盛。盧龍尚枕戈。

雨中舟行

天濶雨冥冥。孤帆過驛亭。雲吞江樹白。霧失曉峰青。岸鷺迎船溼。河魚出網腥。生涯多少恨。無處異飄萍。

明三十家詩選初集卷六下

錢塘 汪端 允莊輯

王世貞 五十七首

世貞字元美太倉人舉嘉靖丁未進士時年十九授刑部主事歷郎中楊忠愍公繼盛以劾嚴嵩下獄元美周旋橐餽其妻訟夫寃為代草及忠愍死於市復經紀其喪賦詩哭之又數以他事忤嵩嵩大恨出為青州兵備副使適元美父忬總督薊遼邊備失事嵩搆之論死元美解官奔赴與弟世懋百計營救卒不免隆慶元年兄弟伏闕訟父寃大學士徐階左右之追復忬官會詔求直言疏陳法祖宗正殿名廣恩義



寬禁例修典章推德意昭爵賞練兵實入事以應詔  
尋薦起大名兵備副使歷遷廣西右布政入爲太僕  
卿萬曆二年以右都御史撫治鄖陽同年張居正枋  
國有意引之元美不甚親附所部荊州地震引京房  
占謂臣道太盛坤維不寧以諷居正又論奏居正婦  
弟不法事居正恚甚會遷南京大理卿爲給事楊節  
所劾居正卽取旨罷之居正沒起南京兵部右侍郎  
擢刑部尙書乞歸二十二年卒年六十五元美始與  
李于鱗結社紹述李夢陽復古之說文必西京詩必  
開寶非是則詆爲宋學一時翕然和之于鱗旣沒元  
美著作日富地望日高海內噉名之士莫不奔走其

門片言獎許聲價立起其所標榜頗以愛憎爲去取  
獨操文章之柄垂二十年後漸有抉摘之者元美亦  
自悔舊學嘗論所著藝苑卮言曰余作卮言時年未  
四十與于鱗輩是古非今此長彼短未爲定論至於  
戲學世說比擬形似旣不切當又傷輕薄今行世已  
久不能復秘惟有隨事改正勿誤後人而已又贊歸  
熙甫畫像曰千載有公繼韓歐陽余豈異趨久而自  
傷初不喜蘇文有以東坡比之者笑而不答已乃心  
折病亟時劉鳳往候之見其手東坡集諷翫不置故  
其晚年文有進境云所著有弇州山人四部稿一百  
七十四卷續稿二百七卷四部者賦部詩部文部說



部也正稿說部凡七種曰劄記內篇曰劄記外篇曰左逸曰短長曰藝苑卮言曰卮言附錄曰宛委餘篇續稿則無說部又有弇山堂別集國朝紀要天言彙錄識小錄少陽叢談公卿表嘉靖以來首輔傳名卿紀績明野史彙萬曆中董復表彙纂諸集為弇州史料類苑詳註增集尺牘清裁畫苑讀書後等書

汪伯玉曰于鱗業專專故精而獨至元美才敏敏故洽而旁通其取材也若良冶之操爐錘五金三齊無不可型其運用也若孫武之在軍門宮嬪市人無不可陳

吳文仲曰李何竝駕李雄視何而李不若何之沖而雅也王李齊驅王盛推李而李不若王之博而大也何無咎曰弇州才大直欲體具百家包括今古汪洋萬里崩奔自恣而意貴富瞻詞多填實求其風雅相宣情境互暢較之唐人蓋有間矣

陳臥子曰元美樂府不必盡合古人甚見才思朱錫鬯曰嘉靖七子中元美才氣十倍于鱗惟病在愛博自以為靡所不有方成大家一時詩流皆望其品題推崇過實諛言日至箴規不聞究之千篇一律安在其靡所不有也樂府奇奇正正易陳為新遠非于鱗生吞活剝者比七律高華七絕典麗亦未遽出于鱗下其自述云野夫興就不復刪大海迴風吹紫



瀾言雖大而非夸若于鱗自詡至云微吾竟長夜或  
易之言亟當浴以蘭湯者也

趙韞退曰論詩深造者于宋得嚴滄浪于明得徐昌  
穀王元美然昌穀所自為詩不媿其言者十可五六  
元美十可三四耳

汪端論曰鳳洲才雄學富樂府久為人所膾炙五律  
鏗鏘沉厚亦無媿盛唐然其氣象凌厲堂廡宏潤長  
於叙事而模山範水蕭散閑適之致特其所短故雖  
晚慕白蘇之風終未能神詣也○集中袁江流鈴山  
岡樂府亦刺分宜而作竹垞極稱之然數嵩父子之  
惡何難萬言固不若欽鴟行之含蓄得體也

將軍行 此詩刺仇鸞也

婁猪化為龍頭角故不分貪狼長百獸那不食其羣有何  
短老公自稱大將軍從兵三十萬華蓋若飄雲尺一丹稜  
篋細刺蛟螭文一署臣某字直入銅龍門忽開青天笑雷  
公不得聞碧眼雙胡兒慣騎大宛駒與公同臥起辮髮貂  
檐褸朝令謁天子暮令拜單于單于開篋看中有一尺書  
織成紫翟瑜恰恰覆穹廬犀毗黃金造密嵌珊瑚珠團龍  
五色帛百匹為一角單于大歡喜親為割肉炙小婦彈琵琶  
大婦奉羊酪手取一束箭墨文何錯落為語而將軍物  
微意不薄箭鋒但相近各各相引卻歸還告將軍將軍大  
懽喜今年鹵却去好復開茅土幕府上功簿兩胡對金紫



鬼伯何催促將軍向蒿里嚴霜一夜零華堂遍荆杞翩翩  
執金吾緹綺類貔虎急為發其私丞相下御史支磔將軍  
骸分臬十二邊車裂兩胡兒剗肉施烏鳶紅顏夫人婦懸  
首映旌旄白面御林郎含咽向重泉小女配人奴歌舞侯  
家筵田園億千疆各自稱新阡生為衆人恨死為衆鬼憐

沈確士云銷叙豐腴中復帶古勁最近漢人

太保歌此詩刺陸炳也

南山虎而翼北溟鯨而爪生世不諧錦衣帥作太保太保  
入朝門緹騎若雲屯進見中貴人人人若弟昆太保從東  
來一步一風雷行者闌入室居者領其頰太保賜顏色黃  
金立四壁一言忤太保中堂生荆棘緹綺走八方方方俱

太保太保百億身所至倏如掃雞鳴甲舍開爭先衆公卿  
御史給事中不惜稱門生歡飲丞相邸刻臂為父子生非  
真骨肉子貴父不喜但呼太保名能止小兒嘵鬼伯一何  
驚荷索便相催縣官為震動急救治喪事少府出金錢東  
園給秘器後帥朱都督特遣護其家起家像陰山眞眞插  
雲霞弔客雖以繁不及賀者多可憐堂中哭不及巷中歌

尚書樂此詩刺趙文華也

揚翠眊曳金支馬駮駮車透迤手將兩黃鉞大者誅二千  
石小者僇偏裨九卿班餞日崦嵫相君昵昵前致辭尚書  
行出師樂哉尚書奈樂何一解所過二千石喪魂魄日夜輦  
重稱軍食黃金如山莫譙訶纍女對對蠶青蛾回鶻小隊



桃葉歌中丞奉觴舞迴波樂哉尚書柰樂何二大宛驄珊

瑚鞭天吳繡蹙當胸盤麒麟玉刻稱腰圓珍怪百寶裝千

船席卷三吳向青天九卿班迎晡不得前相君昵昵前致

辭中官黃紙紛而馳尚書告班師樂哉尚書柰樂何三朝

賜尚書夕讌尚書尚書第中錦不如檀林八角垂流蘇紫

衣屏息駢街衢欲進不進足次且左右十二波斯胡平頭

奴子貂襜褕醉著不下公侯車樂哉尚書柰樂何四雲霾

辭天雨洗白日詔收尚書下請室削之歸一官不得著昔

來一何駛今歸一何疾念欲乘柴車病不得驅欲呼估客

舟估客不肯相於婦女諄罵小兒拍手擲揄道逢九卿睥

睨之謁辭相君相君新門十二重東流之水西飛鴻昔日

父子今華戎樂哉尚書柰樂何五解

欽鴉行此詩刺嚴嵩也

飛來五色鳥自名為鳳凰千秋不一見見者國祚昌饗以

鐘鼓坐明堂明堂饒梧竹三日不鳴意何長晨不見鳳凰

鳳凰乃在東門之陰啄腐鼠啾啾唧唧不得哺夕不見鳳

凰鳳凰乃在西門之陰媚蒼鷹願爾肉攫分遺腥梧桐長

苦寒竹實長苦饑衆鳥驚相顧不知鳳凰是欽鴉沈確土云分宜

鈴山讀書時天下以姚宋目之故有千秋不一見見者國祚昌之語

白蓮花此詩哀沈忠愍公鍊也公為嚴黨所陷竄名白蓮教戮於邊

白蓮花捧世尊左跪聖母右拜神君蓮花水浴金盆男女

行照之女為后妃男侯王金貂羅紈耀兩行生當踏玉階



死當坐天堂。誰為遣汝來。邱太師。周太師。卻立那顏東西。  
 授汝尺一錦贖。赤白號帶兩頭垂。但入上谷雲中。得好兒  
 郎。因依精兵十萬騎。一銜枚。後頭隨。天運不在敵。白發  
 所謀私。反接向市中。號呼眾男女。曷不救我為。救我死者  
 坐天堂。生當踏玉階。忽有一書生。眾不識。為誰。書生從何  
 來。乃是闕下上書男子。長流關外。醉臥闔闔間。夜半縛致  
 之。桃李種山岡。蓮花種湖陂。刺舟摘蓮花。卻折桃李枝。東  
 市標書生。頭鼓瞳矓。使者轄千金賞。萬戶侯。道傍。跌足涕  
 被面。中丞封御史。轉丞相閣中。三日宴。

戰城南

戰城南。城南壁。黑雲壓我城北。伏兵搗我東。游騎抄我西。

使我不得休息。黃塵合匝。日為青。天糝糊。征鼓發。亂譟呼。  
 胡騎歛。飈迅驅。樹若薺。草為枯。啼者何。父收子。妻問夫。戈  
 甲委積。血淹頭顱。家家招魂入。隊隊自哀諱。告主將。主將  
 若不知。生為邊陲士。野葬復何悲。釜中食。午未炊。惜其倉  
 皇。遂長訣。焉得一飽為。野風騷。屑魂依之。曷不覩。主將高  
 牙大纛。坐城中。生當封。徹侯死。當廟食。無窮。沈確士云黃  
 寫出古戰場。未即死。是征人死  
 功是將軍功。意特變化無跡

塞上曲

旌旗春。偃白龍堆。教客休。停鸚鵡杯。歌舞未殘。飛騎出月  
 中生。縛左賢來。奇氣勃勃

寓懷

明三十家詩選夜集卷六下



楊未嗟旅人二婦不相當。美好由心造。貴賤亦何常。屈平  
避上官。楚材湛沅湘。李牧中郭開。趙氏血縱橫。俯念千秋  
感。疇能竟其方。揖。舊。登。蘭。席。雖。尊。故。不。芳。投。璧。隕。磻。階。雖  
碎。不。移。光。

越石豪貴姿。賈氏為密親。苟無晉陽操。若濡意何伸。深源  
蒼生望。何如渭川濱。高臥不克全。北伐喪其真。慎始固所  
貴。薄終不足陳。狐兔當衢躍。豺虎爭嚙人。七尺猶未掩。是  
非遽難論。

過維揚有懷子相

淮南萬木落。蒹葭鴻雁秋。迴瞻大江水。極眺黃河流。念此  
區中土。天翰阻同游。巖巖麗神京。英俊滿賓幃。豈乏攜手

好。抗志乃綢繆。浮沉眾日觀。安測衷所由。奈何各分離。微  
音邈以修。子如宵行燭。分輝均道周。子如汀際鴛。哀鳴望  
其儔。朱笠亭云分結作  
不了語絕有味

過濰縣故孔北海祠作

威鳳雖在羅。耻與凡梟近。神龍割其角。目固無蛟蜃。火垂  
赤帝滅。風猶素王振。角總吐英談。冠弱流。又問平原援。中  
絕北海誠。空奮艱難傍。餘燭廓落甘。異擯交禰。豈慕狂。拒  
郗焉為吝。巢傾卵俱覆。梁逝室亦震。反諧鄢陵祝。不覩山  
陽恨。余本骨體人。千秋凜遺蓋。高咏長寢篇。分香隨漸盡。  
惟北海及崔季珪禰正平一流  
人足以當之苟文若有慚德矣

將以伏闕北首晨發即事有作

此嚴嵩敗後鳳洲  
赴闕白父寬時作



維梢候鳴潮。伺鑰導廣陌。晨雞再三號。使我天地白。太陽  
麗層霄。萬象欣自獲。痛彼泉下臺。永闕無生色。微抑不見  
宣。苟存終何益。席藁一上書。引領希登識。蒼麟代司閤。精  
衛聲不隔。倘返楊公葬。得從原阡側。焚山無餘懟。誓墓有  
遺。則遠愧密親來。杯酒相慰籍。鴻雁冥冥飛。焉知非謀食。  
負耒安餘年。托心在茲跡。

謁表忠祠

聖皇肇貽厥。元孫嗣繩其。武畧或不競。文治所優爲。諸王  
擅國封。分布若置碁。稱詔行罰賞。匠意創車旂。是時上威  
令。頗不出京師。黃齊托肺腑。力以身任之。周叔旣遠竄。齊  
公復長羈。北平有髭王。屬尊功不卑。望氣若龍虎。養卒皆

能。巖崩地錯已。愚奪國寧所。宜謀泄漢使。僂漁陽動。征鼙  
橫。驅屬國胡。席卷燕南垂。廟謨太草草。召使乳臭兒。喋血  
白溝河。肉骨蔽陵坻。盛侯頗能軍。平保壯偏裨。一此或一  
彼。天心詎能知。桓桓鐵尚書。矯矯六出奇。東昌不茅靡。濟  
南湯其池。有斐天台生。密勿主所葵。肆赦赦不行。用間間  
不疑。大厦旣將顛。一木焉能支。飛檄渡大江。羣情遂乖離。  
三輔擬勤王。姚守已俘纍。朱邸獻重關。將相請密期。舉宮  
爲煨燼。誰辨真龍屍。魏公元勲後。不以密戚移。甘作請室  
囚。竟終首陽饑。始禍復何言。縱體任判斷。天台乃甚口。五  
宗悉參夷。鐵公氣尤勁。慷慨了不悲。其餘諸名俊。卿尹暨  
曹司。俱懷吠犬忠。不識堯爲誰。而彼景中丞。趨朝獨逶迤。



荆卿術未講。豫讓心空馳。噴血噴北風。捐脰付東墮。如聞九原轍。故主未可追。長寢事已畢。何煩論安危。笑彼崩角者。次第死。胥靡拂鬱二百年。身碎節不虧。君王沛明詔。彷彿異代思。加恩錄後人。所在為致祠。建康殉節地。羣靈當格斯。故主猶若教。焉能不攢眉。侑食懿園席。行當待來茲。論革除事立言得體足以慰忠魂而禡奸魄才氣亦踔厲風發自是不朽之作

寶刀歌十五歲作

昆吾精鐵光灼爍。不論風胡手中作。涪江水淬明月寒。漢冶風迴赤蛟躍。鋒尖七曜隱芙蓉。匣裏雙環吐龍雀。少年醉舞洛陽街。將軍血戰黃沙漠。記取銜恩一片心。扶君直上麒麟閣。宋轅文云元美少時筆墨如此宜其自許

贈梁公實病歸

汝謀結室羅浮頂。下飲仙人葛洪井。桂樹宛宛山日深。松花濛濛白雲冷。我亦僅買蜻蜓舟。歸與少年為薄游。采蓮一曲杳然去。得醉即臥清溪頭。

送盧生還吳

盧生善詩逸者流。百結鸚鵡安足愁。蹶然一笑別我去。春花落盡胡姬樓。欲留不能意彌惻。衆中誰憐好顏色。短裘倚過邯鄲道。青草已沒平原宅。吳趨小娃迎問郎。北游滿地塵茫茫。采菱深處唱一曲。豈若蘆笳能斷腸。

過長平作長平行

世間怪事那有此。四十萬人同日死。白骨高于太行雪。血



明言選集卷之二  
十一  
飛迸作汾流。紫銳頭。豎子何足云。汝曹自死。平原君。烏鴉  
飽。宿鬼車。哭至今。此地多愁雲。耕農往往夸遺蹟。戰鏃干  
年土花碧。卽令方朔澆。豈散總有巫咸招。不得君不見新  
安。一夜秦人愁。二十萬鬼聲。啾啾郭。開賣趙。趙高出秦壘。  
忽送東諸侯。沈確士云。說出天道好。還使窮兵黷武者知戒。

偶成

葉公好似龍。冀與真龍遇。真龍一夕來。葉公不知處。楚猴  
重瞳那足論。殺心枉自橫。鴻門亞夫望。氣四十里當面失。  
却韓王孫。

酌孫太初墓

死不必孫與子。生不必父與祖。突作憑陵千古。人依然寂

寞。抹土道場山陰五十秋。那能華表鶴來遊。君看太華

蓮花掌。應有笙歌在上頭。沈確士云。離奇突兀。弔。太白山人自應爾爾。

十七夜月獨坐

有限光難滿。多愁掛却遲。淒涼洞庭樹。迢遞上林枝。故苑  
空機杼。深宮罷履綦。鴈風團白露。愁殺獨棲時。

陵祀

松楸何不極。複道見行宮。劍珮千官月。橋陵萬馬風。地迴  
山盡拱。雲合樹俱雄。白首先朝事。傷心涕淚中。

題東臯隱居

偶來天目臥。修竹自成居。飛瀑面衡宇。青山手道書。花間  
謝車騎。鏡裏出樵漁。不學於陵叟。桔槔恒宴如。



送張虞部伯啟左遷常州別駕

把袂翻輕別。沾膺自感時。主恩遷地近。吾道小臣宜。月迥延陵劍。潮平太伯祠。古人崇退讓。今子莫婁其。沈確士云忠厚

亂後初入吳舍弟小酌

與爾同茲難。重逢恐未真。一身初屬我。萬事欲輸人。天意寧羣盜。時艱更老親。不堪追往昔。醉語亦傷神。沈確士云我與書到汝為人各極沉痛又云五六正是追往昔也氣味雄厚不愧杜陵

庚戌秋有約吳峻伯不就賦此

漢樹淹胡月。天都拂塞塵。九關虛虎豹。層閣望麒麟。社稷羣公手。兵戈一介身。請纓還請劍。慷慨涕沾巾。

登太白樓

昔聞李供奉。長嘯獨登樓。此地一垂顧。高名百代留。白雲海色曙。明月天門秋。欲覓後來者。潺湲濟水流。沈確士云有此眼界筆力纔許作太白樓詩

陪段侍御登靈巖絕頂

徑折全疑盡。峰迴陡自開。蒼然萬山色。忽擁岱宗來。碧澗傳僧梵。青天落酒杯。雄風別有賦。不羨楚蘭臺。三四語千壓倒空同泰山詩

寄答峻伯

殷勤吳季子。尺素為余言。春水初平岸。蘭舟直到門。星歸豫章駕。人臥桃花源。獨有新詩就。誰堪細討論。

送顧舍人使金陵還松江



汝豈因鱸膾。吾曾識鳳毛。青雲歸暫得。白雪和誰高。海色  
鍾山雨。秋聲笠澤濤。南征有諸將。為語聖躬勞。澄懷六神似少陵

義士李國卿歸骨長山哭以送之

生死銜恩在。間關病骨遙。刀頭空自卜。匕首為誰驕。風色  
田橫館。寒雲豫讓橋。豈無心一寸。魂斷竟難招。連上章皆金力為之

過冶泉

偶經盤石坐。下有暗泉過。受月苔陰少。分雲竹色多。幽巖  
答樵斧。小屋見漁蓑。不減滄浪興。風塵可奈何。

富陽至桐廬道中

路疑千嶺盡。山為一江分。夕照高低出。灘聲遠近聞。薜衣

過木客。椒酒問桐君。欲叩幽棲意。峰峰多白雲。

憶昔

憶昔文皇三出邊。六龍飛雨淨烽烟。天門直向陰山闕。北  
斗翻從南極懸。鐵馬春饑填瀚海。金人秋祭失祁連。只今  
何處無廉李。野哭荒村幾幾年。

盛世君臣不易逢。秦陵松柏感遺蹤。朝清轉自饒封事。歲  
稔兼聞罷上供。白簡五侯時踟躕。青編三老日從容。苑西  
今日千門地。輦路恩稀草色濃。

更憶南巡漢武皇。樓船車馬鬱相望。輕裘鄂杜張公子。絳  
瑟邯鄲呂氏倡。秋爭旌旗營細柳。夜深烽火獵長楊。孤臣  
尚有遺弓淚。不見當時折檻郎。歸愚謂鳳洲七律亦規大 家而鍛鍊未純故華瞻之



餘時露淺率其說良是  
茲選其骨幹整栗者

贈梁伯龍

漢關題罷鬢初華。梁苑文成席更誇。匣裏秋霜諸俠少。曲  
中春雪舊名家。江陵客寫金樓子。建業人歌玉樹花。誰道  
歸來仍壁立。文君窈窕自煎茶。風華流麗後惟  
臥子梅村能之

書庚戌秋事

傳聞邊馬塞回中。候火甘泉極目同。風雨凋戈秋入塞。雲  
霄玉几晝還宮。書生自抱終軍憤。國士誰譏魏絳功。北望  
蒼然天一色。漢家高碣倚寒空。沈確上云三句言宣大兵  
入援四句言上自西苑還  
大內也

送瞿師道太史使大梁周府

長安草色上鳴珂。繁吹春調四牡歌。太史授圭開赤社。宗  
藩如帶指黃河。天邊漢節蛟龍擾。雪後梁園鴻雁多。上客  
知君頻授簡。鄒枚詞賦未應過。

送子與祀康陵

佳城蔥鬱鎖楸梧。武帝神遊定有無。金榜星辰干嶺遍。翠  
旗風雨萬靈趨。但傳駿足留瑤海。亦有龍髯墮鼎湖。此日  
詞臣空灑淚。獻陵春望已模糊。沈確士云題祀康陵結到  
望獻陵見遺澤在人不忍  
也忘

履善比部歸自嶺右賦此問之

聞君八月下牂牁。銅柱天荒使者過。桂嶺風來秋色早。盤  
江木合瘴烟多。夷童夾道誇椰酒。蠻女穿花出櫂歌。向識



子雲奇字擅。近來詞賦更如何。

送張肖甫徵金嶺西道便道還蜀

薊門擐甲待邊烽。海內軍須不自供。赤羽去看新使者。黃金歸隸大司農。界標銅柱天垂盡。人過蒼梧瘴幾重。聞道壯游仍衣錦。春來車馬醉臨邛。

格律與茂秦送謝武選詩相類而精采遜之

登岱

軒轅皇帝有高臺。鞭石千秋輦道開。匹練天縈吳觀出。金泥日射漢封回。西盤瓠子河如帶。東挂扶桑海一杯。誰為登壇論王氣。祇應塵世有仙才。

尚憶秦松帝蹕留。至今風雨未全收。天門倒瀉銀河水。日觀翻懸碧漢流。欲轉千盤迷積氣。誰從九點辨齊州。人間

處處襄城鞞。矯首蒼茫迥自愁。

壁立芙蓉萬古看。削成松檜隱高盤。中峰翠壓徂徠色。絕頂青收碣石寒。梁甫吟成還自和。茂陵書就欲誰干。依微白馬吳閭在。欲向秋風問羽翰。

同省中諸君過徐丈

詞客真同河朔游。主人偏解孟公留。高城雨過涼生席。殘夜花明月滿樓。紫玉行杯彈出塞。紅牙催拍按伊州。更憐少日閭門侶。菱葉芙蓉湖上舟。

澄懷云三四明秀如出信陽

寄耿中丞子承

黃龍東去海雲低。元菟城頭烏夜啼。帳下青羌新屬國。軍中白馬舊安西。牙旗月擁諸陵出。甲帳天迴萬蝶齊。最是



駝酥爭捧處不妨飛捷醉中題

黎惟敬自南海訪余吳興登峴山分韻

峴山亦是關情地。屈指從君話舊長。此夕梅花辭大庾。十年秋雁隔清湘。應徐筆底多陳跡。吳粵尊前暫一鄉。拂蘇為磨方石在。祇憑詩句敵襄陽。

銷夏灣

灣在縹緲峰下。雨崦夾成小湖。

挂帆秋色太空低。縹緲峰迴上與齊。別借五湖天一曲。中分雙崦地東西。松杉翠合家堪隱。橙橘黃縈路不迷。莫問吳王銷暑事。采香春徑草萋萋。

故關

四塞河山險中通。一線行。雄關蔽全趙。疊障拱神京。尺地

分。寒暑中天各晦明。秋英開繡壁。夕照吐金城。屋似浮空

置。田疑傍漢耕。雲根穿作竇。石髓借為楸。樹雜旌旗擁。峰

陪。劔戟迎符從。襄子計。陣擬率然名。廣武堪稱客。成安未

曉兵。古來興廢事。大半誤儒生。天下奇作

送妻弟魏生還里

阿姊扶牀泣。諸甥繞膝。嗚平安。只兩字。莫惜過江題。澄懷云與

袁景文江水三千里之作同一真至

還宮怨

報道羊車指日臨。莫題紈扇罷悲吟。雙蛾欲畫仍教洗。恐負當年辭輦心。

燕



明三言詩選卷六下  
會逐東風入紫微。晚拋江海滯烏衣。空誇萬里封侯領。還傍人家門戶飛。

戚將軍贈寶劔

毋嫌聲價抵千金。一寸純鈎一寸心。欲識命輕恩重處。灞陵風雨夜來深。

曾向滄流割怒鯨。酒闌分手贈書生。芙蓉澀盡魚鱗老。總爲人間事漸平。

馮子潛將有廬山武夷之游索一絕句爲贈

匡廬五老五白龍。武夷九曲九芙蓉。高秋贈爾青鞵去。踏破寒雲千萬重。

阻風安慶

常憐拙宦似今朝。愁水愁風上漢遙。何似長年回鷁去。滿帆秋色下楓橋。

西宮怨

點點蓮花漏未央。乍寒如水浸羅裳。誰憐金井梧桐露。一夜鴛鴦瓦上霜。  
澄懷云怨而不怒可以怨矣

附錄

吳國倫 五首

國倫字明卿。興國人。嘉靖庚戌進士。授中書舍人。擢兵科給事中。楊繼盛死。倡衆賻送。忤嚴嵩。假他事左遷。南康府推官。調歸德。尋棄官歸。嵩敗。起建寧同知。累遷河南左參政。大計罷。歸。明卿才氣橫放。好客。輕



財歸田後聲名與王元美埒求名之士不東走太倉則西走與國萬厯中元美既歿明卿猶無恙年八十餘乃卒在七子中最為老壽所著有甌輓洞稿九十六卷又有春秋世譜訓初小鑑等書

王敬美曰明卿詩多實際語不落于鱗網中自可弟畜子與又曰他人詩多於高處失穩明卿詩多於穩處藏高

陳臥子曰明卿雅練流逸情景相副

高州雜詠

粵南天欲盡風氣迴難持一日更衰葛三家雜漢夷鬼符書辟瘴蠻鼓奏登陴遙夜西歸夢惟應海月知沈確士云風士詩須

此奇警之筆方寫得生動

待元乘書

已道還江縣猶然滯海門別來新鬼哭書至故人存萬死懸兵力孤忠藉主恩豈無排難意畏路不堪論沈確士云善偷杜意

鄱陽湖

欲向匡廬臥白雲宮亭水色晝氤氳千山日射魚龍窟萬里霜寒雁鷺羣浪擁帆檣天際下星蟠吳楚鏡中分東南歲暮仍鼙鼓莫遣孤舟逐客聞

送姜太史節之使楚王

天子分桐葉詞臣下柏梁其憐星是使况乃玉為堂江漢環宗國風雲護帝鄉居人思過沛太史復浮湘地險東南



勝藩盟帶礪長。晴山開綺節。高浪出牙樁。楊柳停旌艷。椒  
蘭設醴芳。樓臺招鶴馭。環珮憶鵷行。六傳中原路。雙鋒北  
斗傍。緘書如有意。歸雁自衡陽。

寄遠曲

章臺楊柳綠如雲。憶折南枝早贈君。一夜東風人萬里。可  
憐飛絮已紛紛。

梁有譽 十二首

有譽字公實廣東順德人少恬靜好學與歐大任黎  
民表並游香山黃佐之門舉嘉靖庚戌進士授刑部  
主事居三年以念母告歸杜門讀書大吏至辭不見  
後與民表約游羅浮觀滄海日出海颶大作宿田舍

者三夕意盡賦詩而歸中寒病作遂卒年三十六所  
著有蘭汀存棗八卷

陳臥子曰公實雋才意趣沉實若假以年所詣當不  
止此

朱錫鬯曰蘭汀學詩於黃泰泉又與鄰人歐楨伯黎  
惟敬吳而待李少偕結社號南園後五子所得於師  
友者深雖入王李之林習染未甚誦其古詩猶循選  
體五七律亦無叫囂之狀四溟而下庶幾此人勝徐  
吳多矣

秋懷

夕霽涼氣發。曲房藹餘清。金風披蘭茝。白露浩已盈。密林



謝陽彩。叢薄隕芳榮。迅商無緩調。征鴻懷苦聲。物候既易感。神理固難名。漢陰甘灌園。鹿門事躬耕。金張逐丹轂。王貢飄華纓。由來事不同。各以性自營。伊余秉微尚。恬曠諧夙情。枉下明守雌。漆園持達生。緬懷昔人訓。煩囂祇自驚。

詠懷

明月鑒重幃。涼風吹綺疏。佳人揚清謳。顧影傷離居。昔別黃鳥鳴。倏忽秋蘭舒。繁華不再至。歡樂寧倩餘。迢迢牽牛星。萬古恒不渝。所思杳天末。日夕增煩吁。秦女善鳴箏。趙女亦吹竽。箏竽豈不哀。不如琴瑟娛。織縑常苦遲。織素常苦劬。嗟哉織作勤。淚下沾羅襦。梁崇一云樂府神韻

黃司馬青泛軒

達人慕恬寂。開軒負西郭。芊綿引蕙田。逶迤通菌閣。積芳集隆墀。耽勝控遙壑。蕊氣通幽洞。湖光耿華薄。青桐帶露疎。翠羽衝花落。蜃月鏡疎櫺。鵬雲冠虛幕。真筌一以契。琴書聊爾託。鶴性在煙霞。鳳想存寥廓。卽此頤深棲。陋彼郊居作。

豐城道中

風烟杳無際。孤棹去悠悠。多病長爲客。思鄉况屬秋。樹圍平野濶。江湧衆山浮。却望雲中雁。緘書寄遠愁。梁崇一云初唐風格

于鱗與子相元美過訪共懷謝山人茂秦

把酒情猶昨。風塵路渺漫。交深任朝野。名重有飢寒。花鳥愁邊賦。山川亂後看。西園幾游眺。景物豈長安。梁崇一云名重句寫



出四溟  
小影

燕京感懷

鹿塞戈鋌血未乾。龍庭烽火報長安。擬擒頡利先開幕。欲  
拜嫖姚更築壇。青海月明邊馬動。黃榆風急皂雕寒。材宮  
羽騎多如雨。夜夜旄頭倚劍看。

瓜步眺望

殘虹慘澹已黃昏。江上烟波獨愴魂。京口樹濃藏雨氣。海  
門風急長潮痕。西來暮色連三楚。北望浮雲隔九關。正值  
旗亭須買醉。憂時懷土不堪論。

姑蘇懷古

看山幾日到吳中。遊客登臨感慨同。金虎跡荒靈氣滅。水  
犀軍散霸圖空。春歸茂苑烏啼月。花落橫塘蝶怨風。誰識  
倦游心獨苦。扁舟長憶五湖東。

暮秋登鎮海樓

丹梯裊裊虛無裏。下界遙看紫翠重。星斗暮懸溟海樹。烟  
霞秋斷越山鐘。杯前風景非秦代。鴻外關河盡漢封。搔首  
白雲應可擬。誰騎黃鶴躡仙踪。梁崇一云壯亮

春日病起得家書悵然有感

苑柳宮槐生曉烟。起看佳節倍堪憐。天涯尺素驚殘臘。客  
裏分陰似小年。愁病可堪歸雁後。春心空負落花前。西山  
爽氣朝來好。擬把琴尊眺遠天。朱笠亭云日長如小年本  
間適語用在客裏頓增悽  
惻



秋夜過黎氏山房

瑤琴不復理。空餘山水情。棄置石床上。風來時一鳴。

閨懷

萬里關山無盡期。年光春色使人悲。柳花只似悠揚夢。日逐東風少住時。

梁崇一云柳花似夢與行舟似客游同一樣筆墨

歐大任 十一首

大任字楨伯順德人以歲貢選江都訓導遷廣州學正入為國子博士遷大理寺評事終南京戶部郎中所著有思玄堂旅燕浮淮秣陵北轅南翥游梁西署軺中詔歸蘧園諸集凡二十二卷又有百粵先賢志汪伯玉曰楨伯意氣溢發一歸雅馴可謂治世之音

梁崇一曰楨伯詩溫柔婉轉長於諷諭風人之遺

擬古

窈窕芙蓉池。乃在西園側。池上雙鴛鴦。竝戲朝與夕。別君已三載。弦望無消息。寒溫寧得知。何況見顏色。踟躕念離居。沉憂不能食。願因東南風。一送歸飛翼。

美人在長安。音徽問復濶。不奉君光儀。膏沐委蓬髮。青鳥西飛還。報君一書札。字字長相思。歸期邈秦越。妾如霜中花。君如雲間月。非君是妾夫。一心誰能察。

梁崇一云清超醇雅

除夕寓九江官舍

餞歲潯陽館。羈懷強笑歡。燭銷深夜酒。菜簇異鄉盤。淚每思親墮。書頻寄弟看。家人計程遠。應已夢長安。

沈確士云一結憶及



家人又於家人意中念己之  
夢長安曲折往復善學少陵

龍舟浦

簫鼓中流發。秋風散浦煙。琳池新樂府。汾水舊樓船。賞勝  
觀濤日。游非習戰年。甘泉思扈從。回首濯龍川。

九月十五夜月

瑤草三秋色。金風一夕寒。書緣多難絕。月在異鄉看。淒斷  
驚霜角。遲迴望露盤。刀頭今未定。誰最憶長安。  
梁崇一云月在異鄉  
看己覺不堪連上句一  
氣讀下則更悽惋矣

送曾子澄之塞上

曾是征南將。今隨定遠侯。白雲仍漢壘。春色過邊州。柳拂  
漁陽騎。笳清紫塞樓。酬恩知有日。談笑看吳鉤。

經王子新故居

獨有山陽笛。難尋谿上廬。人琴俱已矣。臺沼更何如。暮燕  
歸新社。春泉滿壞渠。今來轉悲切。未報秣陵書。

清明過萬安縣

節序過寒食。扁舟客更愁。他鄉對僮僕。故國憶松楸。暮雨  
江邊樹。春鶯水上樓。憑高獨凝睇。把酒意悠悠。

送張舍人使青州因還蒲州

暫辭西掖去。東使指鄉亭。蒲坂臨河白。雲門接岱青。齊風  
堪論樂。韋相待傳經。知爾銜恩重。隨春入漢廷。  
宋轅文云  
用事穩帖

結語淡  
而自雅

再上昭陵

澄懷按明穆  
宗葬昭陵



幾年裘褐客秦京。兩度朝陵使者行。隧道松楸春更長。闕宮燈燭夜偏明。戟郎久已容方朔。園令何妨老馬卿。咫尺蒼梧雲不隔。近趨惟有淚霑纓。陳臥子云幽而不詭秀而不寒所引方朔馬卿皆協

登宣府門樓

百二山河控上游。鬱蔥佳氣滿皇州。風驅大漠浮雲出。天轉滹沱落日流。雙闕金莖連北極。萬家紅樹動高秋。茱萸黃菊俱堪佩。獨上城南百尺樓。梁崇一云雄健

黎民表

民表字惟敬。從化人。父貫。正德中官御史。以直諫忤旨罷歸。惟敬少與弟民衷。民懷師事黃佐。並以學行

稱嘉靖甲午領鄉薦。選授中書舍人。出爲南京兵部員外。終布政司參議。有瑤石稿十六卷。

胡元瑞曰。惟敬近體深秀。莊嚴似公實。而老健過之。李時遠曰。瑤石詩和平典雅。灑灑乎盛唐遺響。

陳臥子曰。惟敬詩清華切秀。

朱錫鬯曰。瑤石詩讀之似質悶。而實沉著堅韌。元美所取續五子無媿大小雅材者。僅此一人而已。

汪端論曰。鳳洲所標榜後廣續末諸子。大抵沿襲李王之聲調字句。而無其才氣。如泥龍木馬。徒具偉質。不能騰驤變化。又如剪綵爲花。穠麗炫目。絕無香韻。獨公實楨伯惟敬三人。詩溫厚。莊雅。自寫性情。脫去



浮靡之習信乎嶺南多詩人也

紫荆關

徑轉蛇盤險。雲連鳥去長。山桃微著紫。沙柳不成黃。重鎮臨天府。神功劃大荒。金城誰獻議。老作尚書郎。

阻風李陽河驛

滿目川原百戰餘。旅情芳草共蕭疎。蒼山古堠逢秋騎。野水殘燈見夜漁。地近瀟湘多暮雨。雁來湓浦少鄉書。故人憶我停雲外。惆悵煙波不定居。梁崇一云寫旅情鄉思語語和厚

嬉春曲

芳草春陰滿釣磯。寒城斜日閃朱旗。薰人欲醉憐花氣。送客無情是柳絲。畫檝迴隨蘭浦入。金樽還傍竹陰移。江湖

一載渾疎放。空愧青樓半額眉。

河鄜別駕蔡山人登九成臺

芙蓉秀色半晴陰。影入空江百丈深。紫閣倒垂星宿象。碧天吹落鳳鸞音。烽塵正屬談兵日。雲路誰爲出世心。風景故園猶想象。丹梯吾肯倦登臨。梁崇一云冠冕題得此輝煌鏗鏘之語乃相稱

祈穀齋居

鈴索無聲樹色寒。集靈臺上拜千官。旌旗夜繞長楊陌。燈火春祠太乙壇。煖入芳郊陽氣淺。月臨青閣曙光殘。揚雄白首元經在。誰捧雲中玉露盤。

王世懋五首

世懋字敬美太倉人元美弟嘉靖己未成進士以家



難歸久之除南京禮部主事遷尙寶司丞出爲江西  
參議歷陝西福建提學副使擢太常寺少卿移疾歸  
先元美卒敬美弱冠稱詩名亞其兄元美力推引之  
以爲勝已李于鱗輩因呼爲小美有奉常集五十四  
卷又有易解經子臆解閩部疏藝圃擷餘饒南九三  
郡輿地圖  
說等書

穆敬甫曰敬美逸氣縱橫詞采豐蔚

胡元瑞曰敬美拔新標於七子四家之外勁逸迥爽  
以配哲兄誠無媿色

汪端論曰敬美詩雖不逮鳳洲而持論過之所著藝  
圃擷餘有云李于鱗七律俊潔響亮余兄極推轂之

海內爲詩者爭事剽竊紛紛刻鷲致使人厭余謂學  
于鱗不如學老杜學老杜尙不如學盛唐何者老杜  
結構自爲一家言盛唐散漫無宗人各以意象聲響  
得之政如韓柳之文何有不從左史來者彼學成而  
爲韓爲柳吾却又從韓柳學便落一塵矣輕薄子遽  
笑韓柳非古與夫一字一語必步趨二家者皆非也  
又云今世五尺之童纔拈聲律便薄棄晚唐自詡初  
盛那中邪晚邪大都取法固當上宗論詩亦莫輕道  
詩必自運而後可以辨體詩必成家而後可以言格  
故余謂今之作者但須真才實學本性求情且莫理



論格調又云杜少陵故多變態其詩有深句有雄句  
有老句有秀句有麗句有險句有拙句有累句後世  
別爲大家特高於盛唐者以其有深句雄句老句也  
而終不失爲盛唐者以其有秀句麗句也輕淺子弟  
往往有薄之者以其有險句拙句累句也不知其愈  
險愈老正是此老獨得處故不足難之獨拙累之句  
吾不能爲掩瑕雖然更千百世無能勝之者何要曰  
無露句耳其意何嘗不自高自任然其詩曰文章千  
古事得失寸心知曰新詩句句好應任老夫傳溫然  
其辭而隱然言外曷嘗有所謂吾道主盟代興哉自  
少陵逗漏此趣而大智大力者發揮畢盡至使吠聲

之徒羣肆擗剝遐哉唐音永不可復憶喜慎之所論  
皆極精確足以懲嘉隆時人摹擬之弊而救鳳洲標  
榜之偏他若評高季迪及徐昌穀高子業之詩亦有  
特識不爲藝苑卮言束縛斯可謂鳳洲之諍弟也

清明日與郭可忠使君登餘干東山

屐齒故衝泥。峰頭望不迷。江平疑浸郭。樹遠欲浮堤。晚市  
樵花入。春田帶雨犁。因之念邱隴。身在楚雲西。

不失唐音

廬山寺

朝日照積雪。廬山如白雲。始知靈境杳。不與衆山羣。樹色  
空中斷。泉聲天半聞。千崖冰玉裏。何處著匡君。

送元甫李太史冊封蜀藩



玉檢金泥出大庭。雙旌萬里去冥冥。漢宮朝浥仙人露。光血  
部宵占使者星。巫峽雲中流濯錦。峩眉天半落空青。先驅  
耻作臨邛客。橐筆重題劔閣銘。

送張助甫

傳經何意入三秦。本爲天涯傍所親。宇宙豈容雙劔合。風  
流偏妬一樽頻。章臺柳暗思公子。韋曲花殘別故人。金印  
牙旗君好任。病夫將乞種瓜身。

橫塘春泛

吳姬小館碧紗窗。十里飛花點玉缸。蠟屐去尋芳草路。青  
絲留醉木蘭艫。山連暮靄迷前浦。雲擁春流入遠江。棹裏  
橫塘聽一曲。烟波起處白鷗雙。




48-12007



